


MAHLOKO A TSWALO

 A re inamišeng dihlogo tša rena.

² Morategi Modimo, re leboga kudu lehono ka go tšhologela ntle mo go golo ga Bogona bja Gago, magareng ga rena, go šetše go diregile. Gomme re letetše se, ka go fetiša, ka botlalo, ka morago ga sekgalela se. Re leboga Wena ka pina ye botse ye go tšwa go mosadi yo mokoane yo wa Mokriste yo a sa tšwago go opela kopelo ye; le Moya wa Gago wo o tlilego fase, le tlhathollo ya wona. Morena, a go be bjalo, re a rapela. Gomme, Modimo, ke a rapela gore O tla šegofatša yo mongwe le yo mongwe yo motee wa rena, gomme a nke dipelo tša rena di tlatšwe ka thabo ge re bona se se direga.

³ Morategi Modimo, re a rapela, ka morago ga sekgalela se, ge go na le ba bangwe mo ba sego ba lokela go kopana le Wena, a nke ye e be iri ye ba tla dirago sephetho sa mafelelo gomme ba tla tla ka go Wena, ka Tswalo ye mpsha. E fe.

⁴ Re šegofatše ka moka ga rena, Morena, ba e lego nako ye telele re le ka tseleng. Re a rapela gore O tla re ruta dilo tše mpsha ka Lentšu la Gago. Re fe kwešišo ye kaonekaone ka Moya wa Gago, Morena. A nke A tle gomme a hlatholle Lentšu. Mohlatholli a nnoši re nago le yena ke Moya. Re a rapela gore O tla fa seo go rena, lehono. Re kgopela se Leineng la Jesu. Amene.

[Kgaetšedi o thoma go porofeta. Lefelo la go se be le selo godimo ga theipi—Mor.]

⁵ Seo se lekanetše. [Ngwanešu o bolela le ngwanešu yo mongwe—Mor.] A nako! Ga ke tsebe lefelo le lengwe le le kaonekaone go ba go lona, ge e se Legodimong, ka gore re no kwa tlotšo ya Leo bjale, le a bona, re dutše mmogo ka mafelong a Legodimo ka go Kriste Jesu, re kgobokane ka mafelong a Legodimo.

⁶ Modimo šegofatša Kgaetšedi Florence! Gomme o ya go kgabola nako ya mahloko, le merithi; tatagwe o nno tšewa. Gomme ke—ke a rapela, “Modimo, šegofatša ngwana yola.”

⁷ Gomme Ngwanešu Demos, morwalo godimo ga magetla a mabedi, le boima bja ka moka bja dikhonferenshe tše le dilo. O nyaka dithapelo tša rena, le yena. Modimo šegofatša Ngwanešu Shakarian!

⁸ Ngwanešu Carl Williams, ka nnete ke thabile go ba mo ka khonferenshe ye le wena, magareng ga ka moka baena ba bakaone ba. Gomme ke bile le monyetla wa go kopana le ba bangwe. Gomme bjale ye ke karolo ya ka ya go fetša ya tirelo, bokgole bjo ke bo tsebago, ka fao, ka baka la eng, ke a letela bjale go kgona go šišinya diatla le ba bangwe ba banna ba bakaone ba,

le go—le go hwetša go kopana le bona, ka gore ke letela go fetša Bokagosafelego le bona, ka go ye—ka go ye kaonekaone Naga.

⁹ Feela se—se selo se sennyane, ke a holofela nka se ke ka se kwešišwe. Gomme ga se ka go no kopana, ga ke nagane, ka gore ke—ke nagana e be e le se se neetšwego, gore maabane ke filwe mpho ke mogwera mo, go tšwa go mogwera wa ka, Danny Henry. O be a le mošemane . . . Letšatši le letee, ka khonferentsheng ya Banna ba Kgwebo ba Bokriste ka California, ke be ke na le ko—kopano. Ke be ke bolela kudu kgahlanong le—le boemo bja nako.

¹⁰ Gomme ke—ke holofela gore yo mongwe le yo mongwe o kwešiša seo, ga ke na le bobea ka pelong ya ka. Ga se seo. Aowa. Le tla kwešiša ka nnete gore ga ke re ka tsela yeo. Eupša ke swanetše go no bolela seo se tlogo go nna go se bolela.

¹¹ Gomme ka gona ka morago ga fao, moisa yo monnyane yo, ngwanešu wa Baptist . . . Gomme ke nagana gore ke lelolo la naletšana ya mmobi. Gomme o ile a tla tlase go bea seatla sa gagwe go ntikologa, gore, “Morena a go šegofatše, Ngwanešu Branham. Ke no nyaka go neela lentšu la thapelo.” Gomme a thoma go bolela ka Sefora. Gomme mošemane ga a tsebe lentšu le tee la Sefora.

¹² Gomme yo motee a emela godimo, mohuta wa mosadi wo mogolo. Go tšwa . . . ke a dumela o be a etšwa Louisiana. A re, “Seo ke Sefora.”

Nako yeo go be go le monna godimo kua, a re, “Seo ke Sefora.”

¹³ Gomme ba ile ba ngwala ntle se e bego e le sona. Ke na le khophi ya setlogo mo. Gomme nako yeo, gwa direga gore, moisa yo moswa o sepela go tšwa morago, gomme a tla pele, o nyaka go bona dinoutse tša bona. Gomme o be a le mohlatholli wa Ditšhaba Kopano wa Sefora. “Sefora feela tlwa.”

¹⁴ Gomme ke nyaka go bala noute ye. Ye ke noute ya setlogo ye tee ya tšona, gomme e be e etšwa go monna yo yoo a go hlatholla. Nka no se kgone go bitša leina la gagwe feela gabotse. Le Doux, Victor Le Doux, ke monna wa madi wa go tlala wa Mofora. Bjale, molaetša šo.

Ka baka la gore o kgethile tsela ye tshese, tsela ye thatathata, o sepetše go ya ka go kgetha ga gago mong, o topile sa go nepagala sa maleba sephetho, gomme ke Tsela ya Ka. Ka baka la sephetho se segolo se, karolo ye kgolo ya Legodimo e go letetše. A sephetho sa letago se o se dirilego! Se, ka go sona, ke seo se tlogo go fa, le go dira go tla go phethega, phenyo ye kgolo ka go Lerato le Lekgethwa.

¹⁵ Ge ke hweditše seo . . . Le a tseba, ge la mathomo ke ekwa batho ba bolela ka maleme, ga se—ga se kake ka swaswalatša selo, le a bona, ka baka la gore ke bone e le ga mmapaale. Eupša,

ka mehla ke be ke makala. Eupša ge seo se diregile, le go tseba se thomo e bego e le sona, ka morago ga sona, ke—ke ile ka tseba gore se be se etšwa go Modimo.

¹⁶ Ka gona, ngwanabo a bego a dutše fale, wa—wa nnete wa go tsebalega moemedi, o ile a mpha mpho go tšwa go Danny. Danny o sa tšwa go tlogela Naga ye Kgethwa. Gomme o be a robetše godimo ga lebitla, ka gare ga lebitla, ke ra gore, moo Jesu a bego a robaditšwe gona ka morago ga lehu la Gagwe. Gomme ge a dirile, o rile o ile a nagana ka nna. Gomme—gomme Moya wa Morena wa tla godimo ga gagwe, gomme a ya ka ntle godimo ga Thaba ya Khalibari moo papolo e diregilego, gomme a hwetša seripa sa letlapa. Gomme a tla morago gomme a ntirela para ya diswara ditlalepa go tšwa go lona. Gomme ka nnete ke a di rata.

¹⁷ Gomme bjale, se, go le bjalo, Danny ga a tsebe se. Eupša, mosong wo, ge ke sa le ka ntle thapelong, ke ile ka no lebelela fase go diswara ditlalepa tšeo, ye nngwe le ye nngwe ye tee ya tšona, ge o ka ela hloko, e na le dipatso tša madi, gomme gape e na le mothalo wa go otlologa thwi go kgabola ye nngwe le ye nngwe ya tšona. Gomme mo ka molaetša wo a o fago go tšwa go Modimo, wa ya go otlologa, ye tshese tsela. Ka fao o nago le go lekana ka gare, feela tlwa! Ke ile ka gopola gore e be e le mohuta mohlomongwe wa go fiwa goba. . . Gomme ka nnete ke leboga Danny. O mmotše, ngwanešu, ka fao ke lebogago seo. Gomme sa go se tlwa- . . . Selo se sengwe sa go se tlwaelege, ke kgopetše mosadi wa ka mosong ke apara hempe, ya go swanelwa ke go ba le diswara ditlalepa ka go yona, gomme o rile, “Ke lebetše go tliša diswara ditlalepa tša gago,” ka fao Morena o bile le tše dingwe di filwe nna.

¹⁸ Oo, ke bophelo bja letago! A ga se bjona, baena? [Phuthego e re, “Amene.”—Mor.] Go no sepela ka bonolong bja—bja Ebangedi! Gomme go le bjalo, ka bonolong bja Yona, Ke selo se segologolo kudu ke se tsebago. Ga ke tsebe selo sa Yona. Gomme ka gore E dirilwe ye bonolo, gore ke bile le bane sa go tla ka go Yona, le a bona, le nna, ka mogau wa Modimo.

¹⁹ Bjale, ka morago ga sekgalela se, ga ke nyake go tšea nako ye ntši, ka gore ke a tseba gore le ya dikerekeng bošegong bjo. Ke a nagana, ka moka baeng mo le swanetše go lebelela go dikologa godimo ga sefala, le bona badiredi ba, gomme ba, oo, ba tla thaba go ba le lena ka tirelong ya bona bošegong bjo. Ba tla le dira gabotse. Ntle le go kamaka le ile go se sengwe sekolo sa Lamorena mosong wo ka toropongkgolo. Gomme ge re sa na le dikhonferentshe tše, re le Banna ba Kgwebo ba Full Gospel, ke nagana gore re swanetše go fa ka moka thekgo ya rena ye re ka kgonago go dikereke tša rena, ka gore ke fao banna ba rena ba kgwebo ba yago. Gomme, bjale, ke ntlo ya Modimo, gomme ke a holofela le tla etela dikereke tše dingwe bošegong bjo.

20 Bosasa bošego ke go tswalela ga khonferentshe, ke a dumela, gomme ke a thanka ba tsebišitše seboledi. Mo, ke ikemišeditše go ba mo, Morena ge a rata, go kwa molaetša wa gagwe.

Modimo a šegofatše yo mongwe le yo mongwe yo motee wa lena.

21 Bjale, nna ga, ke sa tleleime go ba moreri. Ke nna—ke nna mohuta wa . . . nna ga ke na le thuto ya go lekanela go ipitša ka bonna moreri. Moreri, ge le bolela seo, ba letela gore o be le digrata tše mmalwa ka kholetšheng. Gomme—gomme ga ke na le eng kapa eng eupša seragamabje se sennyane *Se*. Le a bona? Ke leka go tla ka morago ga dinku tša go babja, ge nka kgona, go di tliša morago go mafulo a Tate.

22 Ge ke dira diphošo, ntshwareleng. Ga se nna moithutamodimo. Ga ke swaswalatše moithutamodimo. Thuta-. . . Thutabomodimo ka moka e gabotse. Ke se re se nyakago. Eupša dinako tše dingwe ke swaswalatša boemo bjo re tsenego ka go bjona. Seo ga se re go yo a itšego motho ka motho. E no ba Molaetša. Ke—ke a duma gore E be e se ya ka go o fa. Go nkgeila diripa, ka gore o a tseba ka fao o ikwelago ka bana ba gago mong. Le a bona? O se ke wa hloya go fa ngwana tsholo, go mo omanya, goba selo se sengwe, go le bjalo? Ke nna motswadi, le nna, gomme ke tseba gore go ra eng. Gomme ke—ke a tshepha gore le a ntatelela.

23 Gomme ke nyaka gore le dire ka tsela ye. Ge le dutše, ka morago ga sekgalela se, ke ya go le kgopela go ratwa. Ke no ba le tše nnyane tša sekopana, dinoutse di se kae mo. Bjalo ka ge ke le boditše, ke swanetše go dira se, ke ngwala Mangwalo a ka ntle. E be e le, ke be ke no kgona go tšopola Beibele ka pelo, eupša e sego bjale. Ke ile go kgabola dintwa tše ntši tše thata, ke tšofetše kudu go dira seo. Eupša ke a tshepa gore—gore le tla ntheetša lebakana le lennyane, ka morago ga sekgalela se, gomme e nong go bula pelo tša lena ka nnete gomme le leke go kwešiša seo ke se epago. Ka gona ke nagana gore e tla ba mo go kaonekaone, gagolo badiša ba toropokgolo le mafelo a go fapana. Ke—ke a tshepa gore le tla theetša sekgauswi ka nnete.

24 Gomme bjale le dira seo, dirang ka tsela ye ke dirago ge ke eja phae ya ka ya go ratega, tšheri. Ye nngwe ya nama ya ka ya go ratega, kgogo. Eupša ge ke eja seripa se sekaone phae ya tšheri gomme ka tia peu, nka se emiše phae. Ke no lahlela peu ka ntle, gomme ka tšwelapele ka ja phae. Le a bona? Ge ke itia lerapo la kgogo; ga ke lahlele kgogo kgole. Ke no lahlela lerapo kgole.

25 Ka fao, go ka reng ge nka bolela se sengwe se o ka se dumelelanego godimo, nako efe kapa efe? E no lahlela karolo yeo kgole. Gomme, eupša, lebelela go yona gobotse, eba le nnete gore ke lerapo, bjale. Le a bona? [Phuthego e a sega—Mor.] Gomme ka gona a nke gape ke re, ge e le Peu, elelwa, E tliša pele Bophelo

bjo boswa. Ka fao lebelela kudu ka nnete, gomme a nke Morena a go šegofatše.

²⁶ Ngwanešu Carl Williams o boletše selo se sengwe bošego bjo bongwe ka go retolla go tlemolla, go rapelela balwetši, seo e tla bago se sekaone kudu. Ke a tseba seo e tla ba se sekaone. Eupša re no . . . ga se ra lokišetša seo fao, go tliša mothalo wa thapelo. Gomme ga ke tsebe ge eba Ngwanešu Oral, goba ba bangwe ba baena ba bangwe ba kile ba ba le methalo ya thapelo ka khonferentsheng goba aowa. Ga ke tsebe. Ke ile ka e leka, dinako tše pedi goba tše tharo. Eupša, ka mehla, ge lešaba la go swana le le, o tla swanelwa ke go fa dikarata tša thapelo ntle, le a bona, gore o e dire. Ka gore, o ka se kgone. Ga se arena. Ke ngwako wa Modimo. Le a bona? O neetšwe bakeng sa seo. Gomme re . . . Go pitleletšana le go kgarametšana. Gomme o na le dikarata, o ba bea ka mothalo godimo, ka lenaneo.

²⁷ Ka fao Billy o mpotšišitše, a re, “A nka ya godimo le go fa dikarata ntle? Batho ba nkgopela dikarata tša thapelo.”

²⁸ Ke rile, “Aowa, Billy. A re no tlogela Moya wo Mokgethwa go dira se A nyakago go se dira.” Le a bona? Seo, le a bona, gomme re Mo tlogele mohlomongwe a age tumelo, gomme o no fodišwa thwi fao o lego gona. Le a bona? Eupša . . . Le a bona?

²⁹ Phodišo ye Kgethwa ke se sennyane ka go Ebangedi. Gomme o ka se kgone go dira dikgolo ka se sennyane. Yo mongwe le yo mongwe o tseba seo. Eupša ba . . . Ke tšeletši ye e šomišwago go dira batho go dumela ka go Bogona bja ka godimo ga tlhago, goba Modimo, Bokagodimo ga tlhago go gona. Gomme ka gona, ka yeo, ge ba ka kgona go lemoga Bogona bja Gagwe, gona ba a fodišwa, le a bona, ka tumelo, go Bo dumela.

³⁰ Bjale re nyaka go bala se sengwe go tšwa go Lentšu la Modimo, Testamente ye Mpsha. Gomme ka gona ke nyaka go tšea hlogo ya taba go tšwa go Testamente ye ye Mpsha, le Lengwalo le, le go bolela ka morago ga sekgalela se ka thuto feela le—le lebakana le lennyane. Gomme ga ke nyake go le swarelela botelele kudu bakeng sa ditirelo bošegong bjo. Eupša elelwang, ke a holofela ke itirile ka bonna go kwagala. E nong go le neela šedi ya lena lebakana, ge le ka dira.

Bjale, pele re dira se, a re inamišeng dihlogo tša rena gape.

³¹ Le a tseba, re ka kgona go opela kudu. Re ka kgona go goelela kudu, go fihla re eba makgwakgwa. Gomme re ka kgona go opela ka nako ya go fošagala, goba go goelela ka nako ya go fošagala. Eupša selo se setee se se, ga re ke re eba ka ntle ga tshepedišo ge re rapela. “Ke tla rata gore banna ba rapele mo gohle, ba emišeditše diatla tše kgethwa godimo, ntle le go kamaka.” Goba . . .

³² Tate, ke monyetla wo mogologolo kudu wo motho yo a hwago a kilego a ba le wona, e bile go tswalela mahlo a gagwe le go bula pelo ya gagwe, le go bolela le Wena. Gomme re a tseba gore O a kwa, ge re ka kgona go no dumela gore O a kwa. Ka gore Jesu

o rile, “Ge le kgopela Tate eng kapa eng Leineng la Ka, se tla fiwa.” Seo ke ka fase ga mabaka, ge re ka se ke ra e kamaka. Ka fao, Tate, re thuše go dumela, ka morago ga sekgalela se, gore dikgopelo tša rena di tla neelwa. Gomme fao a nke go se be le morithi o tee wa go kamaka, kae kapa kae. Eupša a nke go tle go phethega, dilo tše re di kgopelago. Gomme seo ke gore, Modimo, bakeng sa gore Leina la Gago le legolo le hlompfiwe lehono, ka go tliša ka Mmušong wa Gago soulo ye nngwe le ye nngwe ye e lahlegilego le go hlhlatha yeo e lego ka fase ga modumo wa lentšu la rena, goba theipi ye e tsogego ya e fihlelela, ntle ka dinageng tša bohetene, fao go dikologa lefase di yago.

³³ Ke a rapela, Tate wa Legodimo, gore fao go ka se be le motho wa go fokola magareng ga rena lehono. Ge tirelo e fedile, a nke Morena Modimo a phološe soulo ye nngwe le ye nngwe ye e lahlegilego, le go fodiša mmele wo mongwe le wo mongwe wo o babjago, le go tlatša pelo tša bana ba Gagwe ka thabo. Ke ka tsela ye re nago le tumelo, Morena, go kgopela Leineng la Jesu, go Modimo Tatago rena, ka baka la gore O tshepišitše gore O tla kwa. Gomme se ke bakeng sa letago la Gagwe. Amene.

³⁴ Ka go Ebangedi ya Mokgethwa Johane, ya 17 tema, gomme go thoma ka ya 20 temana, ke rata go bala bakeng sa—sa hlogotaba. Ke a nagana seo se gabotse.

Le bile Nna ga ke rapelele ba ba nnoši, eupša le bona gape ba ba tlogo go dumela go nna ka mantšu a bona;

Seo . . .

³⁵ Ke a dumela ke na le lefelo la go fošagala. Bjale, ntshwareleng nakwana feela. Ke nyaka thapelo ya Jesu yeo . . . Goba, e sego thapelo ya Jesu, ke ra gore, eupša a Gagwe . . . nka no ba ke marakile fase mo godimo ga hlogotaba ya ka selo se sengwe sa go fošagala. Ke fao Jesu a rapetšego gore . . . goba o be a bolela gore ge mosadi a šokwa ka tswalo ya ngwana wa gago, tswalo, go tswalwa ga ngwana.

³⁶ Yeo ke ka go Luka goba Johane? Jack, e ka go efe? [Yo motee o re, “Johane 16.”—Mor.] Ya 16 ya Johane. Ke be ke gopola gore yeo e be e le therešo, eupša e be e sa kwagale kudu bjalo ka yona. Ya 16 ya Johane. [“Ya 21 temana.”] Ya 21 temana. [Yo mongwe o re, “Ya.”] Nnete, ya 21 temana. Nnete. Ke rena mo. Johane, Mokgethwa Johane 16:21.

Gore ba . . . go be . . .

³⁷ Aowa, Ngwanešu Jack, yeo e sa fošagetše. [Yo mongwe o re, “Leka Johane, ya 21 temana.” Yo mongwe o re, “21.” Yo mongwe o re, “21 temana ya ya 16.” Yo mongwe o re, “16.”—Mor.] Ke masomepedi- . . . 16:21. Ke na le ya 16 ya tema ya Mokgethwa Johane, ya 21 temana. Eupša e . . . A ke phošiše? [Ngwanešu o re, “Mosadi wa go šokwa, ye ke ye e lego yona.”]

³⁸ Go lokile, go na le tlhakahlakano ka go se, go hlakane ka Beibeleng ye. Eye, mohlomphegi. [Ngwanešu o re, “Ba—ba e ngwadile ka go fošagala.”—Mor.] Ba e ngwadile ka go fošagala. Eye, mohlomphegi. [Phuthego e a sega.] Le a tseba ke eng? Yeo ke therešo tlwa. Ye ke Beibele ye mpshampsha. Ke sa tšwa go e hwetša. Gomme e na le—e na le. . . E ngwadilwe ka go fošagala. [Beibele ya Scofield ya Ngwanešu Branham e be e na le matlakala a 1138-1139 a kgomarelane mmogo. Ekwang *Letšatši Le Lengwalo Le Le Phethagaditšwe* 65-0219.]

³⁹ [Moprsta mopišopomogolo wa Katoliki o be a eme sefaleng, Mor. John S. Stanley, o tla pele gomme o fa Beibele go Ngwanešu Branham, gomme a re, “Eno—eno goga moye. Fao go lebaka gore ka baka la eng e dirilwe, gomme o a le tseba. Modimo o tla go laetša selo se sengwe go se tliša go tšwa go ye, seo se a makatša.”—Mor.] Ka moka gabotse. [“E no šomiša ya ka mo, ngwanešu.”] Ke a go leboga. Ke go leboga, kudu. 16:21. Ke a go leboga, kudu. Yeo ke therešo.

Mosadi ge a . . .

Ruri, ruri, Ke re go lena, Gore le tla robala, lla le go golola, eupša lefase le tla thaba: gomme lena le tla ba le bohloko, . . . bohloko bja lena bo tla fetolwa go ba thabo.

Mosadi ge a le ka—ka lešokeng o ba le bohloko, ka baka la gore iri ya gagwe e tlile: eupša ka morago ga ge a rotšwe ngwana, ga a sa elelwa gape. . . mahlabi—mahlabi, ka baka la thabo ya ge motho a tswetšwe lefaseng.

⁴⁰ Ke go leboga, kudu, ngwanešu wa ka. Ka nnete ke leboga yeo. [Ngwanešu Branham o bušetša Beibele go moprista wa Katoliki—Mor.]

⁴¹ Bjale, seo ka nnete go fošitšwe go ngwala mo ka Beibeleng; letlakala le beilwe ka phošo. Gomme ke sa tšwa go e hwetša ka go Beibele ya ka ya kgale ya Scofield, gomme ka topela ye tee ye godimo gomme ka kitimela godimo mo le yona, dinakwana di se kae tša go feta, ka gore mosadi wa ka o sa tšwa go mphya ye e le mpho ya Khirisemose.

⁴² Bjale, ke nyaka go—go bolela ka morago ga sekgalela se godimo ga thuto ye ke e tsebišitšego: *Mahloko A Tswalo*. Bjale, yeo e kwagala gampe kudu, eupša e ka Beibeleng.

⁴³ Ke a dumela gore Jesu mo o be a bolela ka yona, ge A rile, “Le tla ba le bohloko, eupša bohloko bja lena bo tla fetošwa go ba thabo,” o be a bolela le barutiwa ba Gagwe mo, a tseba gore tswalo ya—ya Bokriste e be e etla go ba gona. Gomme bjale sa kgale se swanetše go hwa, gore se seswa se tswalwe. Go ba le eng kapa eng se se tswalago, se swanetše go ba le mahloko a tlalelo. Gomme ka nnete ba be e eya go kgabola bohloko bja tlalelo le mahlabi, go tloga go tšwa go molao go ya go mogau.

44 Ya go itekanela, ya tlhago ya tswalo e swantšha Tswalo ya semoya. Ka moka dilo tša tlhago ke diswantšho tša tša semoya. Gomme re hwetša ntle, ge re lebelela ntle mo godimo—godimo ga mobu, gomme ra bona mohlare ka lefaseng, o gola, o katanela bophelo. Seo se ya go laetša gore go mohlare, felotsoko, wo o sa hwego, ka gore o—o llela selo se sengwe ntle.

45 Re hwetša batho, go sa tshwenye gore ba tšofetše bjang, ba babja bjang, ke leemo mang, ba llela ntle, go phela, ka gore go laetša gore fao go bophelo felotsoko mo re phelago, mo re phelago go ya go ile. Elang hloko ka fao go phethagetšego.

46 Bjale, ka go wa Pele Johane 5:7, ke a dumela ke yona, ge ke sa foše, E rile, “Fao go ba bararo ba ba beago bohlatse Legodimong: Tate, Lentšu, le Moya wo Mokgethwa; ba bararo ba ke yo Motee. Fao go ba bararo ba ba beago bohlatse lefaseng, seo ke meetse, Madi, le Moya, gomme di dumellana ka go se setee.” Bjale elang hloko. Ba bararo ba mathomo *ke* Batee. Tše tharo tša bobedi ke tša lefase, tše di *dumelelanago* ka go se setee. O ka se kgone go ba le Tate ntle le Morwa; o ka se kgone go ba le Morwa ntle le go ba le Moya wo Mokgethwa. Eupša o ka kgona go ba le meetse ntle le Madi, le Madi ntle le Moya.

47 Ke a nagana, go kgabola mabaka a rena, go netefaditše se go ba therešo; meetse, Madi, Moya; tokafatšo, tlhwekišo, kolobetšo ya Moya wo Mokgethwa. Seo se swantšha, goba se dira . . . goba, ke seo se bego se swantšhwa, seo se tšea go tloga go tšwa go tswalo ya tlhago.

48 Lebelelang ge mo—mo mosadi goba eng kapa eng e šokwa, bakeng sa tswalo. Selo sa pele se tla go phethega, go thubega ga meetse, tswalo ya go itekanela; selo sa bobedi ke madi; ka gona go tla ba bophelo. Meetse, madi, moya, gomme seo se dira tswalo ya go itekanela, tswalo ya tlhago.

49 Gomme ka fao go bjalo ka lemong la semoya. Ke meetse; tokafatšo ka tumelo, go dumela go Modimo, go Mo amogela bjalo ka Mophološi wa gago wa sebele, le go kolobetšwa. Sa bobedi, ke tlhwekišo ya moya, gore Modimo o hlwekiša moya go tšwa go ka moka dielemente tša lefase, le kganyogo ya lefase. Gomme ka gona Moya wo Mokgethwa a tla ka gare gomme o fa Tswalo ye mpsha le go tlatša sebjana sela sa go hlwekišwa.

50 Mohlala, ka mokgwa wo. Bjale, seo, ke le boditše. Seo o sa se dumelelo, se beele thoko, ka gona tšea phae. Elang hloko. Bjale, ga—ga galese e robetše ntle ka serapeng sa dikgogo. Ga o no topela yeo godimo gomme wa e bea godimo ga tafola ya gago wa e tlatša ka meetse goba maswi. Aowa. Ka go e topela godimo, ke tokafatšo. Go e hlwekiša, ke tlhwekišo, ka gore lentšu la Segerika go *hlwekiša* ke lentšu gabedi, le ra “go hlwekišwa, le go beelwa thoko bakeng sa tirelo.” E sego *ka* go tirelo; *bakeng* sa tirelo. Ka gona ge o e tlatša, e bewa ka go tirelo.

⁵¹ Swarelang se bjale, e sego go gobatša. Fao ke mo lena Pilgrim Holiness, Manazarene le feilago go sepela go ya pele godimo ka go Pentecost. Le ile la hlwekišwa ka tlhwekišo; eupša ge le be le loketše go bea ka tirelong, ka dimpho tša go bolela ka maleme le dilo tše dingwe, le e retolletše fase, go wela morago ntle ka paneng gape. Le a bona? Bjale, seo—seo ke se se diregago. Ka mehla e dira seo.

⁵² Bjale, e sego go le swaswaletša, eupša feela ke—ke nyaka go tloša se go tloga pelong ya ka. Gomme seo se be se ntšhuma ge e sa le go tloga mola ke bilego mo, ka fao ke swanetše go ba. Feela, ge mogau wa Carl, le Demos le bona, le wa lena ka moka, ke—ke tla leka bokaonekaone kudu bja ka go lokolla soulo ya ka go tloga go sona, le a bona, ka gona go tšwa go lena.

Go itekanela, go swantšha semoya.

⁵³ Bjale, re hweditše ntle gona, gomme le tswetšwe ka botlalo. Ge lesea, ka mehla. . . Ge meetse a thubega, ga wa swanela go dira mo gontši kudu ka wona. Gomme ge madi a etla, ga wa swanela go dira mo gontši ka wona. Eupša, gore o tliše bophelo ka go lesea, o swanetše go mo phasola, le go mo dira gore a goellele ntle. Gomme seo ke. . . Bjale, ntle le thuto, bjalo ka baena ba ka mo ba hlhlilwe gabotse kudu go yona, ya bona, eupša ke swanetše go tšea tlhago go e swantšha. Gomme fao le gona. Seo ke se se diregilego. Go tšea go phasola ga nnete, go tliša se go bona.

⁵⁴ Bjale, tšea yo monnyane, mohuta wa go tšhoša. Mohlomongwe, ga wa swanela go mo phasola, eupša go no mo tšhoša ga nnyane. Yona kgopolo ya gagwe ya go tswalwa, dinako tše dingwe, e tla e dira. Mo sware, mo šišinye. Yena ga se a thoma go hema, mo phasole gannyane, gomme ka gona o goellela ntle, ka maleme a go se tsebje, go yena mong, ke a thanka. Eupša, o—o, go le bjalo, gomme o dira lešata.

⁵⁵ Gomme ke nagana gore ge lesea le tswalwa feela ka—ka setswalwa se homotše, le se na le modumo, le se na le maikutlo, ke lesea la go hwa.

⁵⁶ Seo ke se e lego molato wa kereke lehono, tshepedišo; re na le bana ba bantši kudu ba ditswalwa di homotše. Yeo ke therešo. Ba nyaka mophasolo wa Ebangedi, le a bona, gomme ka fao go ba tsošetša godimo, go ba tliša go bobona, gore Modimo a kgone go bodulela mohemo wa Bophelo ka go bona. Gomme bjale re hwetša gore yeo ke therešo kudu. Ke thutabomodimo ye e sego ya hlotlwa, eupša ke Therešo, go le bjalo.

⁵⁷ Ka fao, elang hloko, ka go tswalo ya peu, peu ya kgale e swanetše go hwa pele e tee ye mpsha e ka kgona go tswalwa. Ka fao, ka fao, lehu le bothata, nako ye nngwe le ye nngwe. Ka fao, le bohloko kudu. Le tletše tlalelo. Tswalo e a swana, ka gore o tliša bophelo ka lefaseng, gomme go—go bohloko kudu.

58 Jesu o boletše gore Lentšu la Gagwe e be e le Peu ye mobjadi a ilego pele go e bjala. Bjale, ka moka re tlwaelane le seo. Bjale ke nyaka go ruta se bjalo ka thuto ya sekolo sa Lamorena, ka gore ke Lamorena. Elang hloko, gona, Lentšu le, ke Peu. Eupša, elelwang, pe—pe peu e tliša pele bophelo bjo boswa feela ge e ehwa.

59 Gomme leo ke lebaka le go bilego bothata kudu go Bafarasei bao go kwešiša Morena wa rena Jesu Kriste, ka gore ba be ba le ka tlase ga molao. Gomme molao o be o le Lentšu la Modimo ka sebopego sa peu. Eupša ge Lentšu le dirilwe nama, le bile, e sego molao, eupša mogau. Bjale, mogau le molao di ka se kgone go phela ka nako ya go swana. Ka gore, mogau o kgole ka godimo kudu go molao, molao le bile ga o go seswantšho. Ka fao ke mo go thata kudu go Bafarasei go hwa go molao wa bona, gore mogau o kgone go tswalwa. Eupša o swanetše go tloga. Melao ye mebedi e ka se kgone go phela mmogo ka nako ya go swana.

60 Fao go ka se kgone go ba molao wo o bolelago gore o ka kgona go tshela lebone selaola sephethephethe, gomme wo mongwe wo motee o re o ka kgona go le tshela; wo motee o re o ka kgona, wo motee o re o ka se kgone. E, e swanetše go ba molao wo motee ka nako. Mohlomongwe nako ye tee o ka no ba o kgonne go ya go le kgabola; temošo, eya go le kgabola. Eupša ye nako ke le lehubedu. Ema! Le a bona? Gomme ka fao moo go ka se kgone go ba melao ya mebedi e phelago ka nako ya go swana.

61 Bjale, re ela hloko gore ka mehla e . . . Kgopolo ya ka bjale go lena, go tšea bohloko, tlalelo, go se iketle. Lebelelang ka fao bona Bafarasei ba hwilego go molao woo, ka bohloko, tlalelo, go hloka go iketla. Eupša go swanetše go ba.

62 Bjale, re hwetša gore pula ye e tlišago pele dienywa godimo ga lefase, “E tswalwa,” bjalo ka ge moreti a rile, “ka mašemong a modumo, ka mankeretla, a go kgakgamologa magodimo.” Eupša ge re kabe re se ra ba le modumo le mankeretla, a go kgakgamologa magodimo, lerothi le lennyane la go hlotlwa la pula le le phagamišitšwego go tšwa mawatleng gomme la hlotlwa go tšwa go letswai, le kabe le se la tswalwa. Go tšea legadima, methuthupo ya medumo; makgwakgwa, makgwakgwa, selo sa go boifiša, go tliša pele marothi a boleta a karolo ya meetse. Go tšea bohloko go tliša pele tswalo. Go tšea go hwa. Gomme ge maru a ehwa, pula e a tswalwa, ka gore pula ke karolo ya leru lela. Se setee se swanetše go fela gore se sengwe se setee se kgone go phela.

63 Bjale, gomme baena ba ka mo, ba bangwe ba bona ba be ba kgona, ba ka kgona go le fa ka moka melao ya dilo tšeo. Nka se kgone.

64 Bjale a re lahleleng godimo ga selo se sengwe, feela bakeng sa netefatšo ye nnyane. Ke a nagana le letee la mapolomo a mabotsebotse kudu . . . Yo mongwe le yo mongwe a na le

dikgopolo tša bona beng ka wona. Eupša ke nagana gore lepomolo le lebotsebotse kudu le ke ilego ka le bona, ke morago ka bohlabela, lili ya rena ya mogobe. Ke ba bakae ba kilego ba bona lili ya mogobe? Oo, fao go no se be selo sa go swana le yona, go nna. Eupša a le kile la lemoga se lili yeo ya mogobe e ilego ya swanela go ba sona? Ke nagana se Jesu a se boletšego, “Šetšang lili, ka fao e katanego le go ohla, eupša go le bjalo Ke re go lena, gore, Solomone ka go ka moka letago la gagwe ga se a ke a tšhepa go swana le ye tee ya tše.” Ka gore, letago la Solomone le botšhephi bja gagwe ka moka e be e le bja maitirelo. Eupša lili, ka go bobotse bja yona, ke bophelo bjo bo e dirago gore e be ye botse, e sego go iphitsika ga maitirelo godimo, pente godimo.

⁶⁵ Go no swana le basadi ba rena, ga ke nagane gore le swanetše go ba le ka moka botala bjo, le a tseba, le diponyapontšha mahlo, le a tseba, ntle ka mokgwa woo, le ka moka dimasekara goba—goba aowa, ke na le go hlakanya dilo tšeo, ka moka godimo ga sefahlego sa gago, go go dira yo mobotse. Bobotse bo dira bjalo ka ge bobotse bo dira. Ge o ka oketša ye nnyane Ditiro 2:4, a e hlakanya ka moka godimo mmogo, le ye nnyane Johane 3:16, e tla itia eng kapa eng yeo Max Factor a kilego a leka go e lokiša. Le a bona? Monna wa gago o tla go rata go feta; yo mongwe le yo mongwe gape o tla dira; gomme ke na le nnete Modimo o tla dira.

⁶⁶ “Lili,” O rile, “e šetšeng, ka fao e melago, e a katana, e swanetše go itliša ka boyona godimo.” Lili ye nnyane ye ya mogobe, lebelelang se e fetago go se kgabola; tšhila, manyora a serapa sa polasa, leraga, meetse a leraga, meetse a ditšhila. E pitleletša tsela ya yona go kgabola ka moka seo, peu ye nnyane ye ya bophelo, e itšhoma ka boyona go tšwa botlase bja mogobe moo digwegwe le—le dilo di lego gona, ka gona ya itliša ka boyona godimo go kgabola ka moka seo. Eupša ge e fihla ka bogoneng bja letšatši, e a tswalwa. Peu ye nnyane e phatlogela go bulegela ka bophelong. E ka se kgone go dira seo go fihla e eya go kgabola ka moka tirotšwetšopele yeo. E swanetše go tla go kgabola yeo. Seo ke se se e dirago, ke ka gore letšatši ka bolona ke lona le e gogago. Gomme ge e fihla ka botlalo ka godimo ga ka moka meetse a ditšhila, le manyora a jarata ya polasa, le go ya pele, ka fao e thabile kudu, e no neela bophelo bja yona ka go lokologa. Gomme ke bophelo bjo bobotse ge bo fihla ka bogoneng bja seo se bo gogelago godimo.

⁶⁷ Ke nagana seo ke seswantšho se sebotse sa bophelo bja Mokriste. Ge, Selo se sengwe se go gogela ka ntle ga lefase, go fihla letšatši le letee o tswalelwa thwi ka bogoneng bja Sona, ka Moya wo Mokgethwa. A botse! Ge o leka go e thuša, o a e bolaya.

⁶⁸ Go swana le lentswiana le lennyane ge le tswalwa, le a tseba, ge o kile wa ela hloko le letee la mathaka a mannyane, thwi godimo ga molomo wa gagwe wo monnyane, goba nonyana ye nngwe le ye nngwe ye e tswalwago go tšwa go lee. E—e na le . . . E a gola, legapi le la kgale la lee. Dikarolo tša ka gare tša kgale

tša mae di—di swanetše go bola go tloga. Gomme le swanetše go tšea molomo o monnyane wo, le gohle pele le morago go fihla le pšhatlela legapi ntle. Re e bitša, go thobolla tsela ya lona ntle, tlase Kentucky mo ke tšwago. Go thobolla tsela ya gagwe ntle. Ga se bake ba hwetša tsela ye kaonekaone. Le a bona? Le a bona? Ka baka la eng? Ke tsela ya Modimo ye e filwego. Ge o leka go mo thuša, o tla mmolaya. Topa legapi go tloga go yena, o tla hwa. Le a bona? O swanetše go katana, go tiiša, go thubula pele.

⁶⁹ Yeo ke tsela ye Mokriste a swanetšego go dira. Ga e no ba yo mongwe a nogo go šišinya seatla sa gago, a go tšeelago ka gare. O swanetše go robala fale go fihla o e hwa, o bola, gomme o tswallwa ka Mmušong wa Modimo. Ke tsela ye e filwego ya Modimo. Ga o tsene ka gare ka puku, goba go šišinya diatla, le go tšoena, go pompela godimo, go gogela fase. O—o swanetše go no tloga gabonolo go tšwa go legapi la kgale. Elang hloko, ga go tsela ye kaonekaone ye ba kilego ba e hwetša.

⁷⁰ Ga se bake ba hwetša tsela ye kaonekaone ya lesea go hwetša se le se nyakago ntle le tsela ya Modimo ya lona. Bjale, ge lesea le lennyane leo le tswetšwe, o ka kgona go bea tleloko fase mo thoko ga mpete wo monnyane wa gagwe, wa re, “Morwa wa ka yo monnyane, ke nna mo—mo moithutamodimo ka tseleng. Ke badile dipuku tša ka mokgwa wa go godiša lesea. Gomme, ke a go botša, o ngwana wa sebjalebja. O tswetšwe ka legaeng la sebjalebja, ke motswadi wa sebjalebja. Ge o swerwe ke tlala, goba o nyaka mme goba nna, e no letša tleloko ye nnyane.” E ka se tsoge ya šoma. Tsela e nnoši ye le la kgonago go hwetša se le se nyakago, ke go se llela. Yeo ke tsela ya Modimo.

⁷¹ Gomme yeo ke tsela ye re hwetšago se re se nyakago, ke go se llela. Llela ntle. Se lewe ke dihlong. E re, “Ke swaretšwe Modimo ke tlala.” Se tshwenyege ge eba matikone, badiša, goba eng kapa eng e tikologong, goellela ntle, go le bjalo. Ba ga Jones ba dutše fale; ke phapano efe se e dirago? Llela ntle, yeo ke tsela e nnoši go se hwetša, go fihla o hwetša thušo. O rutila seo ge A be a le mo lefaseng, le a tseba, ka moahlodi wa go se loke.

⁷² Lerothi la phoka le lennyane, ga ke tsebe fomula ya lona. Mohlomongwe fao go na le saentshe mo ya . . . Ke no ya go bolela tsela ye ke naganago. E ka no ba mohuta wa sehlopha sa go pitlagana sa lefaufau se etla mmogo ka bošegong bja leswiswi, gomme le wela lefaseng. Gomme ge le dira, le tswalwa bošego. Eupša mosong, le robetše mola, le a tonya, le go roromela, godimo ga letlakala le lennyane la bjang, goba le lekeletše godimo ga mothalo wa gago wa go anega diaparo. Eupša e no re letšatši le kganye ntle gatee, a o kile wa ela hloko ka fao le tla thabago ka gona? Le no phadima le go roromela. Ka baka la eng? Le a tseba gore ke seetša sela sa letšatši se yago go le gogela morago mo le bego le le gona mathomong.

⁷³ Gomme ka fao go bjalo ka monna goba mosadi yo mongwe le yo mongwe yo a tswetšwego ke Moya wa Modimo. Fao go na le selo se sengwe ka sona, ge Seetša se alega godimo ga rena, gore re a thaba, ka baka la gore re a tseba gore re ya morago mo re tšwago gona, go tšwa sehubeng sa Modimo.

⁷⁴ Le kgona go phatsima ka thabo, ge letšatši le se itia, go le bjalo, ka go tseba gore le ya mo le tšwago gona.

⁷⁵ Dilo tše nnyane tše di sego tša hlotlwa, eupša re ka kgona go ya pele le tšona, eupša a re hwetšeng selo se sengwe gape.

⁷⁶ Re a tseba peu ya kgale ke, e swanetše, pele peu ye mpsha e ka kgona go tšwela ka ntle ga peu ya kgale, e swanetše go bola, ka go felela. E sego go hwa, feela, eupša go bola ka morago ga ge e hwile. Re tseba seo go ba therešo.

⁷⁷ Seo ke selo se se swanago ka go Tswalo ye mpsha. Ga re ye morago, eupša re ya pele ge o tswetšwe gape. Gomme ke ka baka le ke naganago, lehono, re na le (tše ntši kudu) e sego tše ntši kudu, ke ra gore, tša mmapaale Ditswalo tše mpsha, ke ka gore peu e, mohlomongwe, e tla kwela Lentšu goba motho bohloko, eupša ga ba nyake go bola go tloga go tshepedišo ya kgale ye ba bego ba le ka go yona. Ga ba nyake go tšwela ka ntle ga yona. Ba nyaka go dula ka go tshepedišo ya kgale, gomme ba tleleime Tswalo ye mpsha, goba Molaetša wa lebaka. Re hweditše seo ka fase ga Luther, Wesley, Mapentecostal, le ka moka mabaka a mangwe. Ba sa leka go swarelela godimo ga tshepedišo ya kgale, gomme ba tleleima Ye. Eupša lebaka la tshepedišo ya kgale le swanetše go hwa, go bola, gore e tliše pele ye tee ye mpsha. Ba sa nyaka go kgomarela.

⁷⁸ Elang hloko. Ba a tseba tshepedišo ya kgale e hwile, eupša ga ba nyake go bola ka ntle ga yona. Bjale, go bola, ke ge ka nnete go dira ntle le yona. Ge . . . *Tleleime* e dirilwe, gore ke Tswalo ye mpsha, eupša tleleime e no ba leswao la go tswala. *Go bola*, go tliša pele Tswalo ye mpsha. O swanetše go bola go tšwa go yona, feela bjalo ka ge re dirile ka go mabaka ka moka, go kgabola la Mawesleyan, le ka moka go ya pele.

⁷⁹ Eupša, selo sa yona ke, ka morago ga leo, Tswalo ye mpsha e a tswalwa. Wesley goba . . . Luther o tlile pele ka lentšu le letee, “Moloki o tla phela ka tumelo.” Go lokile, o be a ka se kgone botelele go kgomarela tshepedišo ya kgale. O ile a swanelwa ke go tšwa ka go yona.

⁸⁰ Gomme ka gona ge Macalvinist ba išitše kereke ya Anglican ka lemong le le bjalo, ka fase ga thuto ya Bocalvinic, go fihla ge Modimo a tsošitše thuto ya Arminian, e bego e le John Wesley. Tšhepedišo ya kgale e ile ya swanela ke go hwa, gore ye mpsha e tle pele.

⁸¹ Gomme ge lebaka la Wesley le fela, le ka moka mabaka a manyane, goba ditsebjana tše di tlogo go tšwa go lehlaka, goba lenono, ka nakong ya Wesley . . . Le a bona, ge Pentecost e tšwela

ka ntle le pušetšo ya dimpho, ba ile ba swanelwa ke go tšwela ka ntle ga Baptist, Presbyterian, Pilgrim Holiness, Manazarene, Church of Christ (ye e bitšwago), le ka moka tšeo. Ba ile ba swanelwa ke go tšwela ka ntle ga yona, go bola go tšwa go yona, go amogela Tswalo ye mpsha.

⁸² Ka mehla le bitšwa magafa. Eupša go bjalo ka ge Paulo a boletše ge a bolela ka ntle ga se gatee a kilego a se tleleima. O rile, “Ka tsela ye e bitšwago bohlanga, ke ka tsela ye ke rapelago Modimo wa botate.” Ka tsela ye e bitšwago bohlanga! Le a bona? O be a amogetše Bophelo bjo boswa, bjo Testamente ye Tala e filego Tswalo go ye Mpsha, gomme o ile a swanelwa ke go bola go tšwa go ye Tala gomme go no e dira morithi. Gore e be . . .

⁸³ Moo ke moo re lego bjale. Bjale, le ntshwarele. Eupša yeo ke kgopolo ya ka. Dikereke di fihlile mo e lego tša tshepedišo go fihla mo o ka se kgonego go tsena ka go e tee ntle le ge o se wa e tee. O swanetše go ba le karata ya kopanelo, goba mohuta wa boitsebišo. Gomme ka go dumela se, mojako o nnoši wo ke nyakilego go ba le wona ke Banna ba Kgwebo. Gomme ge feela ba se mokgatlo, ke tla kgona go ya le bona, eupša, le go hwetša go tliša Molaetša, wo ke ikwelago gore o ka pelong ya ka, go batho. Eupša e bile ya tshepedišo kudu. Gomme ke a le rata lena batho ba Pentecostal. Gomme pentecost ga se mokgatlo, go le bjalo. Le no ipitša seo ka bolena. Pentecost ke boitemogelo e sego kereke ya leina.

⁸⁴ Eupša, le a bona, selo sa yona ke, ke ye thata kudu go banna ba bantši. Ge ba O lebelela le go O dumela, le go O bona o tsebatšwa ke Modimo, ka Lentšung, go le bjalo, go bothata kudu go bola go tšwa go selo seo o bego o le ka go sona. “Ke tla dira eng? Ke hwetša kae sejo sa ka?”

⁸⁵ Eng? Modimo ke sejo sa gago. Modimo ke selo se o swarelelang go sona. “Nyakang pele Mmušo wa Modimo, le toko ya Gagwe.” Ke tla e tlogela e letše go seo. Le tseba se ke bolelago ka sona.

⁸⁶ Re botšwa ke baporofeta ba Modimo gore re swanetše go ba lefase le leswa, Legodimo le leswa le lefase le leswa. Ge le nyaka Lengwalo la seo, ke Kutollo 21. Nka kgona go le tsopelela yona, ke na le yona mo. Johane o rile, “Ke bone Legodimo le leswa le lefase le leswa: ka gore legodimo la pele le lefase la pele di be di fetile go tloga.” Le be le ile. Bjale, ge re tla ba le lefase le leswa, lefase la kgale le lefase le leswa a ka se kgone go ba ka nako ya go swana. Goba, lefase le leswa le lefase la kgale a ka se kgone go ba ka nako ya go swana. Fao go ka se kgone go ba ditshepedišo tše pedi tša lefase mmogo ka nako ya go swana. Bjale, gore o hwetše lefase le leswa, le la kgale le tee le swanetše go hwa. Bjale, ge la kgale le tee le swanetše go hwa, gona le fa mahloko a tswalo go le letee le leswa bjale.

⁸⁷ Gomme ka gona ge ngaka e ile go kopola molwetši yo a bego a le mahlabing bjale, se. . . se setee sa dilo tše ngaka a tla di dirago. Seo, ke bolela ka bogoneng bja tše pedi goba tše tharo, ke a tseba, tša tše kaone dingaka tša dihlare mo, dingaka tša Bakriste. Gomme ke—ke—ke tla kgopela se. Se setee sa dilo tše ngaka e se dirago, ka morago ga ge e be e hlokometše malwetši, ke go beela mahloko nako, mahloko a tswalo. O beela mahloko nako, gore a mmogo kgauswi bjang, le ka fao bjo bongwe le bjo bongwe bjo botee bo befago kudu ka gona. Bjo botee ke bjo bothatathata go ba le bjona go feta bjo bongwe bjo botee. Bjo bo latelago, bo sale bjo bothatathata, bo tla kgauswiuswi mmogo. Yeo ke tsela ye a kopolago bothata, ka mahloko a tswalo.

⁸⁸ Go lokile, ge lefase le swanetše go fa tsela go tswalo ya lefase le leswa, a re hlahlofeng a mangwe a mahloko a tswalo re nago nao lefaseng, gomme ka gona re tla bona ka gore e kabe ke letšatši mang le e ka ba gore le bokgale bjo bokae go bapela ka lešoko.

⁸⁹ Ntwa ya Pele ya Lefase e laeditše mahloko a magolo a tswalo. E laeditše a matee a mathomo a mahloko a tswalo a go ya ga gagwe ka lešokong. Ka baka la nako yeo ya gagwe, re tlišitše pele dipomo, gomme re bile le dithunya tša motšhene, le gase ya mpholo. Gomme le a elelwa. Mohlomongwe ba bantši ba lena ga ba kgone. Ke be ke no ba mošemane yo monnyane wa mengwaga ye e ka bago seswai ka bokgale, eupša ke elelwa ka bona ba bolela ka masetate le gase ya tlelorine, le go ya pele. “Ka fao e lebegago bjalo ka ge o ka re e sa tšwa go thoma le,” ba rile, “e be e tla tšhuma lefase lohle. E be e tla bolaya yo mongwe le yo mongwe. Go lokile, e be e tla ba go—go—go roba yeo, feela diphefo di e tšutla go kgabaganya lefase.” Gomme le ka fao yo mongwe le yo mongwe a bego a tšhogile go iša lehung ka sebetša se segolo seo sa mpholo wa gase! Lefase le ile go kgabola, le bile le mahloko a lona a tswalo a pele.

⁹⁰ Gomme re hwetša ntle bjale, re bile le ntwa ya bobedi, Ntwa ya Lefase, gomme mahloko a gagwe e be e le a magologolo kudu. Ke a go šiša go fetiša nako ka moka, mahloko a tswalo a lefase. O be gabotse a swanetše go fa tsela, lebakeng la nako ya pomo ya athomo, ka gore e be e tla senya toropokgolo yohle. E be e le ye kgolokgolo kudu go feta mahloko a Ntwa ya Pele ya Lefase, ya tshenyo go lefase.

⁹¹ Bjale, o a tseba gore nako ya gagwe ya go lokollwa e kgauswi. Ke ka baka leo a tšhogilego, tlalelokgolo, ka fao o lego, ke ka baka la gore fao go pomo ya haetrotšene, le dimesaele tša moyeng tše di ka kgonago go senya lefase lohle. Setšhaba se setee se tšhogile se sengwe, go sa tshwenye gore ke se sennyane bjang. Ba na le dimesaele tša ba tleimago gore di tla no. . . Se setee sa tšona. Ba di šupetša ka dinaledi le go di lahlela kae kapa kae lefaseng mo ba nyakago.

⁹² Russia, bjalo ka ge ke kwele ditabeng, letšatši le lengwe, o tleleima gore a ka senya setšhaba se, gomme—gomme ya swara diathomo goba dilo gore di se ke tša thuba setšhaba sa gagwe godimo. Ga re tsebe gore re ka dira eng ka yona. Yo mongwe le yo mongwe yo motee o dira ditleleime tše, gomme go bjalo.

⁹³ Saentshe ya batho e robile go ya ka go laporatori ya Modimo, go fihla ge ba eya go itshenya ka bobona. Modimo o a dumelela, o dumelela bohlale go itshenya ka boyena. Modimo ga a senye selo. Motho o itshenya ka boyena ka bohlale, bjalo ka ge a dirile mathomong, a tšea bohlale bja Sathane legatong la Lentšu la Modimo.

Bjale, o a tseba gore o swanetše go fa tsela. A ka se kgone go e emela.

⁹⁴ Russia, ke a dumela, a ka senya setšhaba se lehono, ge a be a gopotše gore o be a ka kgona go se senya, gomme ka gona a ipoloka ka boyena. Se sengwe le se sengwe sa ditšhaba tše nnyane tšeo se ka kgona go e dira. Eupša, di a boifa, ka gore di a tseba gore lefase le ka se kgone go ema ka godimo ga obiti ya lona ka tlase ga maemo a majalo.

⁹⁵ Ka fao, lefase le a tseba gore mahloko a tswalo a gagwe ke a magolo kudu, le swanetše go a fa tsela. Fao go ya go ba tswalo ye mpsha, go tswalwa, kgauswi. Ke leboga seo. Ke lapile ka le letee le. Mang kapa mang. . . mang kapa mang yo motee o a tseba gore—gore mo ke lefelo la lehu le bohloko, le ka moka mehuta ya ditšharakano, le go ya pele. Ke thabile gore o swanetše go fa tsela, gomme ke thaba gore nako e kgauswi. Bjalo ka ge Johane a boletše, wa kgale, “Go le bjalo, etla, Morena Jesu.”

⁹⁶ Bjale, o swanetše go bola, go le bjalo, bjalo ka ge ke boletše, gore le tliše tswalo ye mpsha. Lebelelang se le boletšego ka go sona. Elang hloko, baena ba ka! O bodile ka go felela. Dipolotiki tša gagwe le ditshepedišo di nno bola ka mo di kgonago go ba. Fao ga go lerapo le le lokilego ka go yena, ka go tshepedišo tša gagwe tša lefase, dipolotiki tša gagwe le dipolotiki tša gagwe tša bodumedi, le eng kapa eng e lego yona. Yo motee o re, “Ke nna Democrat. Ke nna Republican. Ke nna Momethodist. Ke nna Mobaptist.” Ka baka la eng, selo sohle se bodile go fihla mokong. Fao go swanetše go ba se sengwe se fago tsela. A ka se kgone go ema. Ge o bea George Washington goba Abraham Lincoln ka go naga ye nngwe le ye nngwe ka go United States ye, le ge go le bjalo e ka se kgone go boela morago. E ka godimo ga topollo.

⁹⁷ Fao go selo se tee feela se ka kgonago go mo phološa, seo ke Gotla ga Mohlodi. Amene.

⁹⁸ O a tseba gore o swanetše go fa tsela. O bohlokong le tlalelong. Yo motee ga a tsebe gore a dire eng. Yo motee o lebeletše ka tsela *ye*, gomme yo motee ka tsela *yela*, le se sengwe le se sengwe. Yo motee o tšhoga yo mongwe. Yo motee o leka go dira selo se sengwe se tla senya yo motee *yo*. Yo motee *yo* o leka go

ganetše yo motee *yola*, o senya yo mongwe. Go fihla, bjale ba le beile ka diatleng tša monna wa go tlala sebe, yo a ka kgonago go senya lefase lohle ka nako ya metsotso ye metlhano. Le a bona? Ka fao o a tseba a ka se kgone go e emela. Batho ba a tseba a ka se kgone go e emela. Gomme lefase le a tseba gore ba ya go, e ya go direga.

⁹⁹ Ka gore, Modimo o boletše gore e be e le. “Magodimo wohle le lefase le ya go swa.” E ya go ba mpshafatšo ya selo sohle, gore lefase le leswa le kgone go tswalwa. Modimo o e porofitile.

¹⁰⁰ O bodile, go ka moka ditshepedišo tša gagwe, gomme o swanetše go dira seo, go bola go tloga.

¹⁰¹ Ke ka baka leo a, ke rile, o tšhogile kudu le go ba yo mohubedu ka sefahlegong, le go gakanega mo gogolo. Gomme ditšhišinyego tša lefase, mogohle, le godimo le tlase lebopong. Le maphotho magolo ka Alaska, le go šišinyega godimo le tlase lebopong, ka ditšhišinyego tša lefase le dilo. Gomme batho ba a ngwala, “A re ka e tlogela? A re ka e tlogela?” Le a bona? Ga ba tsebe gore ba ka dira eng. Fao ga go lefelo la polokego eupša le Letee, leo ke Kriste, Morwa wa Modimo wa go phela. Gomme fao go selo se setee feela e lego lefelo la polokego, gomme leo ke Yena. Ka moka ka ntle ga Leo ba tla senyega, feela ka nnete bjalo ka ge Modimo a boletše bjalo.

¹⁰² Bjale a re lebeleleng Puku ya Ngaka, ge a le ka go mohuta wo wa leemo, gomme re bone ge se se swanetše go direga ge lefase le leswa le swanetše go tswalwa. Mateo 24, ka Pukung ya Ngaka, e lego Beibele, gomme a re boneng se se porofitilwego, gore dika tša gagwe di tla ba eng.

¹⁰³ Bjale, ge ngaka e tseba dika tša tswalo ya ngwana . . . Gomme le ge e le nako ya ngwana ya go tla, o bea se sengwe le se sengwe komana, ka gore o a tseba gore yeo ke—ke nako ya ngwana ya go tswalwa. Ka gore, ka moka dika di a laetša; me—meetse a thubegile, madi. Gomme bjale . . . Ke nako. Ngwana o a bewa, gomme ke nako ya ngwana go tswalwa. Gomme ka fao o bea se sengwe le se sengwe komana bakeng sa yona.

¹⁰⁴ Bjale, Jesu o re boditše tlwa se se tlogo go direga feela ka nako ye. O re boditše, ka go Mateo 24, gore Kereke, Kereke ya therešo, le kereke ye nngwe, e tla ba . . . Kereke ya tlhago, Kereke ya semoya, “Di tla batamelana kudu mmogo, baekiši, go fihla e ka fora le bona Bakgethiwa, ge go be go kgonega.” Ka fao go bego go le ka gona ka matsatšing a Noage, “Ka fao ba bego ba eja, ba enwa, ba nyala, ba tlogela lenyalo,” le ka moka go hloka maitshwaro ga lefase fao re go bonago lehono. Beibele, Puku, Puku ya Ngaka e boletše gore go tla direga. Ka fao, ge re bona se se direga, re a tseba gore tswalo e kgauswi. E swanetše go ba. Eye, mohlomphegi. Bjale, re lebelela go seo, bjalo ka—bjalo ka setšhaba; e sego bjalo ka setšhaba, eupša lefase.

¹⁰⁵ Bjale, Israele, kereke, a re thomeng morago ka yena metsotso e se mekae. Gomme a re mo lateleng metsotso e se makae ye lesome, mohlomongwe. Israele e bile le mahloko a tswalo ka tlase ga moporofeta yo mongwe le yo mongwe yo a tlilego lefaseng. O bile le mahloko a tswalo ka go Molaetša wa gagwe. Ka gore e dirile eng? Moporofeta o bile le Lentšu. Gomme—gomme o bjetše go bola mo gontši kudu le go dira ditaello tša ditshepedišo ka go beng ga gagwe, go fihla moporofeta yo a mo šišinya go tloša go motheo wa gagwe. Ba be ba hloilwe ke yo mongwe le yo mongwe. Ka fao, ka gona, ge Modimo a be a romela moporofeta, kereke ka boyona e ile ka go mahloko a tswalo. Ka gore, moporofeta, “Lentšu la Morena le tla go moporofeta, gomme yena a nnoši.” Ke gore, Lentšu le le boletšwego la letšatši leo le dirwa go bonagala ke moporofeta wa lebaka leo, ka mehla go bile. Gomme, dikereke, di aga ditshepedišo tše ntši kudu go dikologa Lentšu, go fihla a mo šišinya go tloga go sešišinyi ge a etla. O bile le mahloko a tswalo.

¹⁰⁶ E be e le eng? Morago go Lentšu! Morago go Bophelo! Ditshepedišo ga di na le Bophelo. Ke feela Lentšu la Modimo le nago Bophelo. Ditshepedišo tše di agilwego go Le dikologa, fao di se nago Bophelo. Ke Lentšu leo le fago Bophelo. Molaetša wa Gagwe o šišinyeditše mašalela morago go Lentšu. Sehlopha se sennyane se tla tšwela ka ntle gomme sa dumela. Nako ye nngwe, mohlomongwe. . . Ka nakong ya Noage, batho ba e ka bago ba seswai feela. Eupša, go le bjalo, Modimo o šišintše mašalela. Gomme, a senya, ye yohle ka yona e ile ya swanelwa ke go šišinyegela go tloga.

¹⁰⁷ E dirile seo, ka moka go kgabola mabaka, go fihla mafelelong kereke e ba gorešetša Ngwana Monna, gomme Ngwana Monna yoo e be e le Lentšu, ka Bolona, le dirilwe nama. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama la dula magareng ga rena.” O fentše diabolo yo mongwe le yo mongwe, maatla a mangwe le a mangwe godimo ga lefase, ao a tloga kgahlanong le Yena, ka Lentšu la Tate feela. Moleko wo mongwe le wo mongwe wo Sathane a Mo fago wona, O kgalemile Sathane; e sego ka a Gagwe—a Gagwe Mong maatla ao A bego a na le wona, eupša ka Lentšu la Modimo. “Go ngwadilwe. . . Go ngwadilwe. . . Go ngwadilwe. . .” Ka gore O be a le Lentšu.

¹⁰⁸ Ge Sathane a fofile kgahlanong le Efa, o be a se Lentšu, ka fao le feitše. Ge a fofile kgahlanong le Moshe, le dirile selo se se swanago. Eupša ge a iteile ka go Morwa wa Modimo, O be a le dibolete tše dikete tše lesome. E thuletše mafofa a go tlemologa ka ntle ga gagwe, ge A tlile morago gomme a re, “Go ngwadilwe, ‘Motho a ka se phele ka borotho bo nnoši, eupša ka Lentšu le lengwe le le lengwe le tšwelego molomong wa Modimo.’” Fao go be go le Ngwana Monna yola, a dirilwe nama. Lentšu la Modimo

la ka Gosafelego, ka Boyena, a bonagaditšwe ka mmeleng wa nama mo lefaseng, go emela Lentšu.

109 Woo ke ka mokgwa wo A tsebilego se se bego se le ka dipelong tša bona. Woo ke ka mokgwa wo a kgonnego go botša Filipi mo a bego a le gona, o be a le mang. O kgonne go botša Simone Petro gore o be a le mang. O boditše mosadi sedibeng. Ka baka la eng? O be a le Lentšu. Thwi. Beibele e boletše, ka go Baheberu ya 4 tema, “Lentšu la Modimo ke le bogalegale, le na le maatla kudu go feta tšhoša ya magale a mabedi, le ripa go phuleletša le go fihla mokong wa lerapo, ke Mofenyeki wa megopolo le maikemišetšo a pelo.”

110 Ka baka la eng, baprista bao ba go foufatšwa ba Bafarasei ga ba kgona go bona gore Yoo e be e le Lentšu le dirilwe go bonagala, ka gore ba be ba phuthetšwe godimo ka go boprsta le tshepedišo. Gomme tshepedišo ya kgale e ile ya swanelwa ke go fa tselo. E be e le Lentšu, eupša le le bego le tshepišitšwe le phethagaditšwe. Ka fao ge le phethagaditšwe, e swanetše go bola go tloga. Ke legapi. Peu e ile pele.

111 Moshe o be a ka se kgone go be a tlišitše molaetša wa Noage. Le Jesu o be a ka se kgone go be a tlišitše molaetša wa Noage, ka gore e be e le lebaka le lengwe. Gomme peu ya kgale e be e le gabotse, eupša e dirile morero wa yona gomme e be e hwile le go ya pele. Phetogo go tšwa go ya kgale go ya go ye mpsha, moo Bophelo bo bego bo le gona, e be e le se se bego se tshwenya batho, se se ba tshwenyago le bjale lethono.

112 Ga re age leboto, go swana le ge re thoma go tloga ka molaetša wa Luther, go ya thwi tlase mothalo wa go otlologa, goba molaetša wa Pentecostal. Thwi. Re tepoga dikhona. Re aga moago. Lentšu la Modimo ke mothalo wo bolou. Mang kapa mang a ka kgona go kitima mothalo wa go otlologa, eupša go tšea seagi go tepoga khona. Go tšea maatla a Modimo go dira seo. Go tšea yo a tloiditšwego yo motee go tšwa Legodimong, go romelwa tlase go dira seo. Go bile, ka go lebaka le lengwe le lengwe. Gomme ka go lebaka le moporofeta, Lentšu la Morena le tla ka baporofeta bao, gomme ba tepoga dikhona tšeo, ba dira phapano tšeo. Eupša baagi ba be ba nyaka go aga leboto. Go se leboto, le gatee, ke moago, moago wa Modimo.

113 Bjale, re a ikwela le go tseba gore Ye ke Therešo, gore ditshepedišo di be di bola ka go lebaka le lengwe le le lengwe. Gomme ye nngwe le ye nngwe ye tee ya ditshepedišo tša bona e ile ya swanelwa ke go bola le go hwa ntle, go fihla ge a tliša pele Kereke yela. Go tšwa go tlhakahlakano ya go bola go tliša pele Lentšu, ka Bolona. “Lentšu la Morena le tla go baporofeta.” Ga le ke le etla go baprista; Le tla go baporofeta.

114 Gomme elang hloko, gomme ge Le dirile, mafelelong Lentšu lela ka moka mmogo le ile la tswalwa mo ka nameng ya motho. Botlalo bja Bomodimo mmeleng bo be bo khutšitše ka go Yena. O

be a le Lentšu. Baporofeta ke karolo ya Lentšu, Lentšu la lebaka la bona. Rena, lehonon, re karolo ya Lentšu, ba ba latelago Lentšu. Eupša O be a le botlalo bjohle bja Lentšu. O be a le Lentšu. O rile. . .

115 Ge ba be ba Mo phara molato, go itira ka Boyena go lekana le Modimo, ka gore O be a le Morwa wa Modimo, ba rile go Yena, “Go lokile, O itira Modimo ka Bowena.”

116 O rile, “A ga se gwa ngwalwa ka molaong lena, gore le bitša bao Lentšu la Modimo le tlilego go bona, ‘badimo,’ baporofeta? Gomme e be e le bona. Gona le ka kgona bjang go Nkahlola ge Ke re Ke nna Morwa wa Modimo?”

117 Moo, botlalo bja Bomodimo mmeleng bo khutšitšego ka go Morwa wa Modimo. O be a le ponagalo ya go tla ya Modimo. Seo ke se mafelelong. . . Mahloko a tswalo ka fase ga baporofeta bao, ka baka la eng, bona e le Lentšu, ba be ba šupa go botlalo bjola ka bobona, botlalo bja Lentšu. Gomme ka gona mafelelong ditshepedišo tša hwa go tloga, go fihla, “Lentšu le dirwa nama gomme le dula magareng ga rena.”

118 Bogelang ka fao la go swantšhwa ka go Jakobo. Bogelang ka fao la go swantšhwa ka go Josefa, tšwa. A ratwa ke ba gagwe ba- . . . tatagwe; a hloiwa ke ngwanabo, ntle le lebaka. O be a le wa semoya, a kgona go bolella dilo pele, le go hlatholla ditiro. Ga se a kgona go e thuša goba seo. O ile a no tswalwa a le seo. O be a beetšwe pele go ba seo. Eupša, o be a hloilwe ke bana babo, gomme mafelelong ba mo rekiša ka diripa tše masometharo tša silibere, gabotse diripa tše masometharo. Gomme a phagamišetšwa godimo, a bewa ka seatleng sa go ja sa Farao. Lebelelang, ka kgolegong ya gagwe, fao go be go le motšheledi le mopaki; yo motee o ile a lahlwa yo motee a phološwa.

119 Jesu ka kgolegong ya Gagwe, sefapanong; yo motee o ile a lahlwa, yo motee a phološwa. Tšwa. Gomme ka gona a phagamišetšwa magodimong gomme a dula fase godimo ga Terone ya Modimo. Gomme ge A tla tloga gape, fao go tla ba modumo go ya pele, “Kobang letolo,” gomme leleme le lengwe le le lengwe la bolela.

120 Gomme Josefa ge a tlogela terone gomme a thoma go ya pele, phalafala e be e lla, gomme letolo le lengwe le le lengwe le be le swanetše go kobja. “Josefa o be a etla.”

121 Ka fao, letšatši le lengwe Phalafala ye kgolo ya Modimo e tla lla, ba ba hwetšego go Kriste ba tla tsoga, gomme letolo le lengwe le le lengwe le tla kobama, gomme leleme le lengwe le le lengwe le tla bolela go Lentšu le. Eupša O tla ka morago ga eng? O tla mo bakeng sa eng?

122 Elang hloko, o tlišitše pele Lentšu le le feletšego le leo le dirilwego nama, ka fase ga mahloko a tswalo a baporofeta ba ba lleditšego ntle, “O a tla! O a tla! O a tla!”

123 Bjale, eupša o be a se na le moporofeta lebaka la mengwaga ye makgolonne, go ya ka histori le Lengwalo, go tloga ka Maleaki go fihla ka Johane. Ba be feela ba na le baithutamodimo, baprista, badiša. Bjale fa re ka kgona go eleletša, ntle le leo, ke leemo la go bola la mohuta mang la tshepedišo ya gagwe e swanetšego go be e be e le ka go lona, mengwaga ye makgolonne ntle le Molaetša thwi, wa GO RIALO MORENA, go tšwa go Modimo. Ka fao, baprista, baporofeta, le go ya pele, ba e tsentše ka tlhakahlakanong ya go šiiša. O be a bodile.

124 Ka gona Johane, Eliya yo a tshepišitšwego wa Maleaki 3, e sego Maleaki 4. Maleaki 3, ka gore Jesu o boletše selo se se swanago ka go—go Mateo ya 11 tema.

125 Ge leihlo la Johane la ntšhu le apešwa ke leapi godimo, bjalo ka ge ke dumela go *Early Ages* ya Pember e a e tšweletša, gomme o rile, “Eyang le Mmotšiše ge eba ke Yena yo Motee, goba re swanetše go lebelela yo mongwe.” Le a bona?

126 Gomme O rile, Jesu, ka morago ga go romela barutiwa ba gagwe morago, ka morago ga go ba botša gore ba dule ka kopanong le go bogela seo se diregilego. “Gomme eyang, laetšang Johane dilo tše. Gomme mošegofatšwa ke yo a sa kgopišegego.”

127 O ile a retologa gomme a lebelela go barutiwa ba Gagwe le batho ba A bego a bolela le bona. O rile, “Le ile ka ntle go bona eng ge le ile go bona Johane?” O rile, “A le ile ka ntle go bona monna ka go seaparo se boleta?” Gomme A re, “Ke re go lena, woo ke mohuta wa go dula ka dipaleising tša magoši.” A re, “A le ile ka ntle go bona le—le—le lehlaka le le bego le šišinywa ke phefo?”

128 Ka mantšu a mangwe, selo se sengwe le se sengwe se sennyane ge se etla mmogo, o šišinywa ke sona? “Ke tla le botša, ge o ka no tla godimo gomme wa tšoenā sehlopha sa rena, re ka kgona go go fa mogolo wo mokoaneane.” E sego Johane. “Ge o ka no se rere kgahlanong le se le *sela*, go lokile, o ka kgona go tšoenā ka gare sehlopha sa rena.” E sego Johane.

129 A re, “Gona le ile ka ntle go bona eng, moporofeta? Gomme Ke re go lena, go feta moporofeta. Ka gore ge le ka kgona go e amogela, yo ke yo a boletšwego ke moporofeta, a re, ‘Ke tla roma motseta wa Ka pele ga sefahlego sa Ka, go lokiša tsela.’” Yoo ke Maleaki 3:1.

130 E sego Maleaki 4, le gatee. Yeo e fapane. Ka gore, Eliya yoo ge a etla, lefase le swanetše go tšhungwa ka pela, gomme baloki ba sepele ntle godimo ga melora ya ba babe.

131 Bjale, elang hloko. Molaetša wa gagwe ga se wa ke o ba hudua kudu go tšwa go boroko bja bona bja boboledi. Ba ile ba no re, “Fao go na le monna wa go gafa tlase kua. Mo feteng kgauswi, ka pela. O ipitša ka boyena segafa; o leka go nweletša batho tlase kua ka meetseng. Le a bona? Ka baka la eng fao ga go selo go monna yola wa mokgalabje. Ka baka la eng, ga se a

apara le ge e kaba mohuta wa gabotse wa diaparo. O na le letlalo la nku le tateditše go mo dikologa. Go lokile, ke modiidi bjalo ka legantshe la Jobo. Ka baka la eng, ke seminare efe a kilego a tšwa go yona? Ke karata efe ya kopanelo? Le bile re ka se ke ra dirišana ka dikopanong tša gagwe. Re tla no mo tlogela a dule tlase kua gomme a bolawe ke tlala ntle.” Le a bona? Lefase ga se la fetoga kudu, le ge ele ditshepedišo. Uh-huh. “Eupša re tla no mo lesa a dula tlase kua. Ga a na le ge e ka ba . . .”

¹³² Le a tseba gore ke baka la eng a se a dira? Elelwang, tatagwe e be e le moprista. Eupša ka baka la eng a se a latela mothalo wa tatagwe, e bego e le motlwae go bana go dira ka matšatšing ao? Ka gore o be a na le selo se sengwe, Molaetša wo mogolo kudu. O be a swanetše go tsebiša Mesia, ka gore Moya wo Mokgethwa o be o boletše bjalo. Mašalela a mannyane ao a bego a tlišitšwe morago ke Molaetša wa Gabariele, tlase kua, a be a tseba gore go be go tla ba bjalo. Ka fao re a botšwa, e ka ba ka mengwaga ye senyane ka bokgale, o ile a ya lešokeng. Ka morago ga go loba tatagwe le mmagwe, gore o ile a ya ka lešokeng, ka baka la gore o be a swanetše go kwa tlwa.

¹³³ Ka gore, ka moagong wo mogolo wola wa thutamodimo kua, ba rile, “Bjale, ke a tseba gore o swanetše go ba yo motee wa go tsebiša Mesia. Jesaya o boletše gore o be a etla, ka fao o ya go ba lentšu leo. Bjale, a ga o nagane gore Ngwanešu Jones mo o no swanela seo feela tlwa?” Gomme o be a tla phegelela ga bonolo.

¹³⁴ Eupša ga se ake a ithuta ye e itšego ya ditshepedišo tša bona. Molaetša wa gagwe o be o le bohlokwa kudu. O ile ntle ka lešokeng, go dula.

¹³⁵ Elang hloko. Molaetša wa gagwe o be o sa swane le moithutamodimo. O be a šomiša diswantšhwa. O rilego, “Oo, lena moloko wa dinoga.” O be a bitša banna bao ba baruti, “dinoga.” Ye, ke ye tee ya dilo tše mpe tše a di hweditšego ka lešokeng, ye tee ya dilo tša boradia, e be e le dinoga. Gomme a gopola, “Ye e no ba papetšo ye kaonekaone kudu ke e tsebago.” O rile, “Lena moloko wa marabe, le sebotšwe ke mang go efoga bogale bjo bo tlogo? Le se ke la thoma gore, ‘Ke rena ba se le sela,’ ka gore Modimo o a kgona go tsošetša Abraham bana go tšwa maswikeng a.” “Maswika a,” ao a bego a a hwetša lešokeng le godimo ga lepopo la nokana.

¹³⁶ “Gape selepe,” se a bego a se šomiša ka lešokeng, “se beilwe modung wa mohlare,” se a se bonego ka lešokeng. “Sehlare se sengwe le se sengwe se se sa tlišego dienywa tše botse pele,” o tseba mo a bego a hwetša dikgong tša gagwe tša mollo, le a bona, “se remelwa fase gomme sa lahlelwa ka mollong,” gwa dirwa dikgong tša mollo go tšwa go sona. Le a bona? Molaetša wa gagwe e be e se wa monna wa moruti, le gatee. O be o le ka morago ga tlhago, ka lešokeng.

137 Eupša o be a na le Molaetša wo a o begago, le go ba le tumelo ka go Molaetša wa gagwe, gore, “Mesia woo, o kgauswi kudu le go tla, go fihla A le thwi mo magareng ga lena bjale. Ke re go lena, fao go yo Motee o eme magareng ga lena, yo le sa mo tsebe, Yoo ke se nago maswanedi a go rwala dieta tša gagwe. O tla le kolobetša ka Moya wo Mokgethwa le Mollo.”

“Ke Mang, Johane?”

“Ga ke tsebe.”

138 Eupša letšatši le letee, fao go tllile Monna yo moswa a sepela go theogela nokeng, Monna wa go lebega go ba wa mehleng. Feela ka go . . . Johane Mokolobetši wa kgale o be a eme godimo kua, moporofeta wa kgale wa go šegofala, gomme o ile a lebelela go kgabaganya Jorodane. O rile, “Bonang, šele Kwana ya Modimo ye e tšeago go tloša sebe sa lefase.”

“O Mo tseba bjang, Johane?”

139 “Yena ka lešokeng, yo a mpoditšego gore ke ye go kolobetša ka meetseng, o rile, ‘Godimo ga Yena yo o tlogo go bona Moya o theogela, ke Yena yo Motee yo a tlogo go kolobetša ka Moya wo Mokgethwa.’”

140 Molaetša wa gagwe o be o ka se kgone go tla go tšwa ntlheng ya go ema ya thutabomodimo goba tshepedišo ya thutotumelo ya madirwa ke motho. O be o swanetše go tla thwi go tšwa go Modimo.

141 Ka gore, Molaetša wa gagwe ga se wa ba šišinya kudu. Ba ile ba gopola, “Oo, o rile o bone Woo. Ke e kamaka kudu. Ga se ka bona selo. Ke lebeletše. Oo, nna! Ga ka kgona go bona selo sa wona,” baprista le bona ba boletše.

142 Eupša o O bone, gomme re a tseba bjale o O bone. Nnete, o dirile. Eupša a le ela hloko mo e ilego?

143 Ga se wa tsoge wa ba hudua go tšwa borokong bja bona. Ba ile thwi pele, ba ripa go tloša hlogo ya gagwe, feela go no swana. Eupša ga wa—ga wa tsoge wa ba hudua.

144 Eupša o hweditše mašalela, ba batee ba ba bego ba na le Bophelo ka go bona, sehlopha se sennyane sela, Anna le—le Simeone, le ba e sego ba bakae ba bao ba bego ba letile ka moka go Tla ga Morena. Gomme Anna, ka tempeleng, a foufetše, moporofetagadi yo a bego a direla Morena ka dithapelo. Gomme ka gona letšatši le letee ge a be a le ka Moyeng. . .

145 Gomme Simeone o ile a porofeta gomme a re, monna wa mokgalabje, o rile, “Moya wo Mokgethwa o mpoditše gore nka se ke ka bona lehu go fihla ke bona Kriste wa Morena.”

146 Ka baka la eng, ba bangwe ba baprista, le a tseba, ba rile, “Mothaka wa kgale wa modiidi, o nno tšwa gannyane, le a tseba. Ka baka la eng, o be a na le leoto le letee ka lebitleng bjale, gomme le lengwe le letee le thelela. Ka baka la eng, e nong

go mo tlogela a nnoši. O be a le monna wa mokgalabje wa go hlomphega. Eupša ke mohuta wa . . .”

147 Eupša, le a bona, o be a na le eng? Go be go utolotšwe go yena ke Moya wo Mokgethwa.

148 Seo ke selo se se swanago se se utolotšwego go lena batho ka morago ga sekgalela se. Moya wo Mokgethwa o le tlišitše mo ka lebaka. Ba bangwe. . . Moya wo Mokgethwa! Lebelelang baprista le banna ba baruti mo go tšwa Methodist, Baptist, Katoliki, le ka moka. Ba be ba sepedišwa ke Moya wo Mokgethwa. Iri e mo. Ka fao Moya wo Mokgethwa o be o sepela godimo ga bona, gomme ba be ba O lebeletše, ba swarwe ke tlala. Ka gona, feela ka go . . .

149 Letšatši le letee, le a tseba, le be le se na le thelebišene. Lebogang Morena ka letšatši leo.

150 Ka foa, ba, ba be ba le tlase godimo ga thoko ga thaba ya Judea. Fao go be go le—le Lesea le tswetšwe. Naledi e ile ya tšwelela, le go ya pele.

151 Eupša ka morago ga matšatši a seswai, mme o ile a tliša Lesea le lennyane ka gare, le phuthetšwe ka lešela la go potoka. Ke lešela la go potoka. Ke a botšwa. . . boditšwe gore e be e le lona. . . Ba be ba se na le selo go bea godimo. E be e le le—le lenkgeretla le lennyane go tšwa jokong ya pholo, ke boditšwe, leo e be e le lešela la Gagwe la go potoka. Mo go tla Josefa le bona, ba tla ka gare le Lesea le lennyane le.

152 Ke a eleletša bomme ba be ba eme morago go tloga bokgole, le masea a bona a mannyane ka mošomo wa nalete le se sengwe le se sengwe. Ba rile, “Lebelelang kua. Le a bona? Le a bona? Šole yena. Le a bona? O be a imile ka monna yola. Šo o tla ka gare. Yoo, dulang kgole go tloga go yena. Swarang bokgolo bja lena.” Ba sa nagana selo se se swanago.

153 Eupša, Maria, ka Lesea lela ka matsogong a gagwe, go be go sa dire phapano ye e itšego se ba bego ba se gopola. O be a tseba gore yoo e be e le Morwa wa Mang.

154 Gomme ka fao ke modumedi yo mongwe le yo mongwe yo a amogelago Lentšu la Modimo ka dipelong tša bona! Ga ke kgathale ka se ditshepedišo di se bolelago. Le tseba se Le lego sona. Ke tshepišo ya Modimo. E utolotšwe go wena ke Moya wo Mokgethwa, ge o be o apešwa ke morithi ke Maatla a Gagwe. Le tseba moo Le lego. Ga go motho yo a nago le tokelo ya go rera Ebangedi go fihla a kopane le Modimo morago lahlakoreng la ka morago la leganata ka sethokgweng sela se tukago, moo go sego ditshepedišo tša boboleledi lefaseng di ka kgona go Le hlatholla go tloga go lena. Le be le le fao. E diregile go lena. Ga ke kgathale ka se ditshepedišo di se bolelago. O hlatse ya sona. Halleluya! Ke ikwela go swana le monna yola wa go tšofala wa mokhalate ke bego ke bolela ka yena, “Ga ke na le kamora godimo mo bjale.”

Le a bona? Ke ikwela bodumedi kudu ka nako ye, ge ke nagana. Gomme yeo ke therešo. Modimo, ka Boyena, o utolotše go wena.

¹⁵⁵ Simeone o bile le tshepišo. Ge a be a dutše godimo ka boithutelong bja gagwe mosong woo, oo, ke a thanka fao go ka no ba go be go le masea lekgolo le mmalwa ba ba bego ba tlišwa ka gare, mosong wo mongwe le wo mongwe. E ka ba Bajuda ba milione tše pedi le seripa ka nageng, gomme masea a a tla ka gare, gomme ba bantši ba be ba tswalwa. Matšatši a mangwe le a mangwe a seswai mme o be a swanela go tla ka gare, a neela moneelo wa go hlwekišwa. Gomme bjale mo go tla . . . Simeone, o be a dutše fale, le a tseba, mohlomongwe a bala sekorolo sa Jesaya. Ga ke tsebe. Eupša ka moka gatee . . .

¹⁵⁶ Bjale, ge Moya wo Mokgethwa o go diretše tshepišo, Moya wo Mokgethwa o swanetše go boloka tshepišo yeo, ge ka nnete E le Modimo. O, ge A . . .

¹⁵⁷ Ge monna a etla go kgabola gomme a bolela selo se sengwe, Modimo a se se thekge, ga se Lengwalo, sa mathomo. Se lebale. Gomme ge a bolela gore se bjalo, gomme Modimo a sa dutše a sa se thekge, se sa fošagetše.

¹⁵⁸ Ka gore, Modimo o hlatholla Molaetša wa Gagwe. Ke mohlatholli wa Gagwe Mong. Se a se bolelago se tla go phethega, gona Modimo o rile, “Mo kweng, ka gore ke Therešo.” Yeo ke kgopolo ya go tlwaelega e nnoši. Ge a bolela gore e a direga, gomme ya direga, e a e bolela. E swanetše go ba nako ka moka, tlwa Therešo, ka gore Modimo ga a bolele maaka.

¹⁵⁹ Gomme ka fao nako yeo Simeone šo o dutše mola, a tšea tlaišo. O be a le mašalela. O be a kwele Johane, le mašalela a manyane a letšatši leo. Gomme šo o be a dutše fao, a theeditše sekorolo se, a tseba. Ke ra gore, a tseba Johane o be a etla, ka gore o—o be a le karolo ya mašalela. Lentšu le be le utolotšwe go yena. Gomme ka moka gatee, ge Lesea lela le etla ka tempeleng, nako yeo e be e le mošomo wa Moya wo Mokgethwa go utolla gore Le be lele fao. Ka fao a, sepetšwa ke Moya, a tšwela ka ntle ga kamora ye nnyane ya boithutelo, thwi go theoga go kgabola holo, a thula mothalo wola wa basadi. A tla thwi go theoga go bapela le mothalo wola wa basadi go fihla a fihla tlase moo Lesea le le bego lele gona, leo ka moka ba bego ba katoga go tloga go lona. A kukela Lesea godimo ka matsogong a gagwe, a re, “Morena, lokolla mohlanka wa Gago a ye ka khutšo, ka gore mahlo a ka a bone phološo ya Gago.”

¹⁶⁰ Gomme ka nako yeo, yo motee yo mongwe yo monnyane wa bakgethiwa ka letšatšing leo, e be e le Anna, moporofetagadi. O be a dutše godimo kua, a foufetše, ka khoneng. A emela godimo, a foufetše. Šo o a tla, a etelletšwe pele ke Moya, magareng ga ka moka basadi le batho ba ba bego ba kgobokane ka gare le ka ntle ga tempele, go fihla a etla thwi go otlogoga go ya moo Ngwana Kriste a bego a le gona.

¹⁶¹ Ge Moya wo Mokgethwa o kgonne go etella pele mosadi wa sefoku go ya go Yena, go reng ka sehlopha sa Pentecostal seo se swanetšego go ba se na le pono ya mahlo? Nka se ye bokgole bjo bo itšego. Le a tseba, go tloga fao go ya pele. Elang hloko. Oo, nna! Ka fao kereke yeo e swanetšego go ba e be e le ka tlhakahlakanong ya go šiša ka gona gape, ka nnete e swanetše go ba e be e le, ka letšatšing leo! Eupša e ile ya šišinyana mašalela a manyane, bjalo ka ge ke boletše.

¹⁶² Bjale a re botegeng. Ge re bona kereke yela ka leemong lela lehono, a ga se ra fihla ka nakong yeo gape? [Phuthego e re, "Amene."—Mor.] Bjale e nong go lebelela dilo tša tshepišo, tša Beibele, tše di tlogo go be di eya pele ka kerekeng nako ye. Re bona se se yago pele ka lefaseng, bjale re a bona gore re mafelelong a lona. Bjale a re lebeleleng ka kerekeng.

¹⁶³ Mosadi, kereke, o bile le mahloko a tswalo ka fase ga Luther. Bjale, re a tseba fao go mabaka a šupa a kereke, le batseta ba šupa go wona mabaka a kereke, go ya ka Kutollo. Bjale, ge Luther a ile a swanelwa ke go tla pele, ka nnete e ile ya lahlela kereke ka go bohloko bja tswalo, eupša e tlišitše Luther pele. Yeo ke therešo.

¹⁶⁴ Ka morago ga le, e tsene bothateng gape, ka fao e tlišitše pele Wesley. Yeo ke therešo.

E ile pele gape, gomme e tlišitše pele Penetecost.

¹⁶⁵ Yo mongwe le yo mongwe wa bona batseta ba lebaka la bona, o šišintše. . . morago go Lentšu, Molaetša wa lebaka la bona, Molaetša go ya ka Beibele. Ke na le ye e tlogo, puku, ntle ka seo, tshwayo ya ditema tša mathomo tše nne tša Kutollo. E baleng, ge ka pela ge re e gatišitše. Gomme e netefatša, ntle le morithi wa go kamaka, se molaetša wa Luther o bego o le sona, tokafatšo; seo tlhwekišo e lego sona, tirotšwetšopele ye e latelago ka go tswalo ya tlhago. Gomme ka gona go tla mapentecostal, tlwa.

¹⁶⁶ Bjale, elang hloko, lebaka le lengwe le le lengwe le be le šišinyana kereke le go e fa mahloko a tswalo. Eupša ba dirile eng? Ka morago ga ge mahloko a tswalo a tlile, go na le go ya pele le Lentšu, ba tlišitše sehlopha sa banna mmogo go no swana le ka mo ye tee ya mathomo e dirilego. Ke tlwa. Thwi ka morago ga tšhišinyo ya baapostola, ka gona re mo hwetša a eya go tšwa gape. Ka gona re hwetša ntle, mmogo go tla ba bantši ba ba bangwe, Agabus le ba bantši ba batsošološi ba bagolo morago ka mathomong. Lebaka le lengwe le le lengwe le dirile, bjalo ka ge le ithuta Pre-Nicaea Council, Nicaea Fathers, le kamoka morago kua. Le hwetša ka moka ka kua. Lebaka le lengwe le le lengwe le šišintšwe, nako le nako ge motseta a etla ka GO RIALO MORENA.

¹⁶⁷ Bjale o ka legatong le lešorošoro kudu, leo, go ya ka Lengwalo, a kilego a ba ka go lona. Re ka go lebaka la kereke la Loadikia, "La go huma, eupša la go fufatšwa lebaka la kereke, leo le sa e tsebago."

168 Fao go be go se felo ka Beibeleng fao Kriste a kilego a bewa ka ntle ga kereke, eupša lebaka la Loadikia. O ka go lebaka le lešorošoro kudu. O bodile kudukudu a kilego a ba. O rile, “Ke dutše bjalo ka mohumagadi, ga ke nyake selo.”

169 “Gomme ga o tsebe gore o a ponoka, o a šokiša, o sefofu, o modiidi, gomme ga o e tsebe.” Eye, mohlomphegi. O rile, “Ke a go eletša, etla o reke salefo ya mahlo go tšwa go Nna, gore Ke bule mahlo a gago.” Gomme yeo e tla—yeo ka nnete e tla . . . Salefo ya mahlo ya Modimo ka nnete e tla tliša Seetša go kereke ge e nyaka go bula mahlo a yona go se Modimo a se boletšego.

170 Elang hloko, ka pela bjale. Bjale, o ka legatong leo, ka godimo ga morithi wa go kamaka. Re ka go lebaka la kereke la Laodikia.

171 Bjale, motseta wa gagwe o a tshepišwa, ka go Maleaki ya 4 tema. O tshepišwa go e dira. Gomme Molaetša ke go tliša morago Lentšu, go tliša batho morago go Lentšu. Tswalo e swanetše go ba. O swanetše go rolwa, Tswalo ye mpsha, go tšwa go ya ka Maleaki 4.

172 Ka go kereke ya lefase lehono, fao go ditshepedišo tše pedi tše di šomago. Bjale le theetšang sekgauswi ka nnete. Bjale ke nyaka go bona ge eba le ya gore “amene” godimo ga se. Fao go ditshepedišo tše pedi tše šomago ka go kereke ya lefase lehono. Ke ya go tloša se go tloga magetleng a ka, gomme ke be le sona se fedile. Ka moka re a tseba gore ke Lentšu la Modimo, le tshepedišo ya kereke ya leina. Fao go ditshepedišo tše pedi di a šoma. Go no swana le ge di bile, Jakobo le Esau; yo motee ka morago ga Moya, yo mongwe ka morago ga nama. Gomme ke eng? Esau le Jakobo ba be ba elwa ka dipopelong tša mme, le nako ye ba be ba tswalwa. Gomme ka fao dikereke tša maina le Lentšu, di a lwa, ye tee kgahlanong le ye nngwe. E sa le di eba, ge e sa le la pele Luther a tlišitše tsošološo ya pele. Ke a holofela seo se bonolo go lekanela gore le ka kgona go se kwešiša. Le a bona?

173 Banna ba, ge ba topa *Le* gomme ba ya ntle le Lona, ba ka kgona go dira kgopolo kudu go Lona, le a bona, go *Le* tliša lefelong mo le ka dirago. Ke no nyaka go bea *Peu* ye, ka gona le go holofela gore ba *E* dira gore e tle go Bophelo. Elang hloko. Le a bona?

174 Ka mehla e bile ka tsela yeo. Ke ka baka leo a rwalago mahloko a tswalo, ka gore fao go ntwala ka gare ga gagwe.

175 Fao go na le Esau, feela monna wa lefase, wa bodumedi kudu. Gomme, oo, o ka moka gabotse, moisa wa go loka, wa go hlweka, wa maitshwara, bokgole bjo ke bo tsebago, eupša ga a tsebe selo ka tokelo yela ya Tswalo. O tswetšwe ka tsela yeo. O kgolokilwe ka tsela yeo.

176 Gomme Jakobo, ga ke kgathale se a lego sona, o nyaka tokelo yeo ya Tswalo. Ke yo motee wa semoya.

177 Gomme bona bobedi, lehono, ba ka popelong ya kereke. Fao go tshepedišo ye kgolokgolo e lekago go bopša, e bitšwa Khantshela ya Dikereke tša Lefase. Gomme go tšwa popelong ya kereke go tla pele bana ba babedi. E nong go maraka mantšu a ka. Ba lefase . . .

178 Lentšu le swanetše go tliša Kereke Monyalwa Lentšu. Kereke e swanetše go tlišwa go tšwa go yena, Monyalwa wa Kriste. Bona ba ba robetšego ka go ka moka mabaka ba tla dira Monyalwa yoo a tšwago ntle go Lentšu leo ba tšwago go lona, go swana le go tšwa maotong a gago go tla go hlogo ya gago. O ba—ba yo mogologolo, le bogolo bjo o swanetšego go ba nago, le go ya pele. Ge mmele o golela godimo, ka fao le Mmele wa Kriste o golela godimo. Gomme ka gona mafelelong Hlogo e tla tla go Wona, Hlogo ya Wona e tla dira, bjale, ge re ela hloko, ka gore ka moka O—O kgokagane le Hlogo. Hlogo e dira go retologa, ya goga.

179 Eupša ditshepedišo tše di ka se gole go tšwa go Woo, ka gore ke tshepedišo, gomme e ka se kgone go tliša pele. Mogomarelakgapana o ka se kgone go tliša pele sehlopha sa korong. Eupša di mmogo ka tšhemong ye e swanago, di nošetšwa ke meetse a a swanago, le seetša sa letšatši se se swanago. Ye tee ke Lentšu; ye tee ga se Lentšu. Gomme tšona bobedi di a lwa. Di be di elwa go tloga ka tsošološo ya pele, gomme di sa lwa.

180 Bjale, ga ka swanela go ya bokgolekgole bjo bo itšego ka seo, a ke a dira? Ka nnete le tseba se ke bolelago ka sona. [Phuthego e re, “Amene.”—Mor.] Eye, mohlomphegi. Fao ke rena. Fao ke lena, tshepedišo. Ke tshepedišo efe o lego ka go yona?

181 E no eleletša bjale, ge nkabe o phetše morago ka go matšatši a mangwe, ka fase ga go thuhlula ga baporofeta ba Modimo le Mantšu a a tlilego pele, o be o ka nyaka go ba lehlakoreng lefe morago kua?

182 Go lokile, o na le kgetho ye e swanago lehono. O lokišetša go tliša pele Lentšu la go phethagala morago kua, gomme Lentšu le tlela Monyalwa Lentšu. Bjalo ka ge mo—mo mosadi e le karolo ya monna, a tšerwe go tšwa yena, ka fao Kereke e tla swanelwa ke go ba Kereke ye e dulago le Lentšu, Lentšu le lengwe le le lengwe la Beibele; e sego ditshepedišo, dithutotaelo, goba ga go selo se oketšwago go Lona. Le tla swanelwa ke go ba ka go le le sa otšwafatšwago, la go hlweka, Lentšu kgarebe. Thwi.

183 Gomme ka matšatšing a Seetša sa Luther, ge kereke e kurufetše go tswalla, Luther a gapeletša. O ile ka fase ga mahloko, eupša a tla pele, “Moloki o tla phela ka tumelo. Gomme se ga se selallo.”

184 Bjale, re hwetša ntle, gore, ka fase ga matšatši a John Wesley, o file mahloko gape, eupša fao go be go le—fao go be go le go tswala go Wesley. Eupša o dirile eng? O ile thwi morago go swana le ge mme a dirile.

185 Ka gona ka fase ga matšatši a mapentecostal, botatago lena le bommago lena ba tšwetše ka ntle ga selo seo gomme ba se hloya. Ba ile ntle seterateng, mmago a se a rwala disetoking, a itia kotikoti ya kgale, gomme a bolela ka kolobetšo ya Moya wo Mokgethwa, le katara ye e itšego ya kgale. Ba be ba robala ntle godimo ga dithereke tša dikoloi tša seterata, ba be ba dula bošego ka moka ka kgolegong. Gomme re dikgokgorothwana kudu, gomme re ile morago thwi ka go mokgatlo gomme re e itirile ka borena manyora a a swanago, ba gogetše bana ba bona morago ka gare, moo ba tšwago ntšhe. Ba tla retologa ka lebitleng la bona. Ba tla lewa ke hlong ka lena. Ke tseba seo ke se sethata, eupša ke Therešo. [Phuthego e re, “Amene.”—Mor.]

186 Le re, “Ke be ke gopola gore o be o rata batho.” Ge lerato le sa phošolle, gona o ka kgona bjang go tšweletša lerato? Lerato le a phošolla. Gomme ke rata lefase. . . Ke na le—ke na le leratorato la kereke ya Modimo.

187 Gomme go bona ditshepedišo tše di e tlemeletšego tlase ka fase ga dithutotaelo, e bola go tloga. Gomme Modimo o bolela Lentšu la Gagwe go ba Therešo, gomme ba sa swareletše go yona. Amene. [Phuthego e re, “Amene.”—Mor.] Yeo ke therešo. Le a tseba ke therešo, ngwanešu, kgaetšedi. [“Amene.”] Seo e no ba Se. Yeo ke tsela ye bonolo ya go Le bolela. Ga—ga se go ngwathaganya fase Segerika, le dilo, eupša ke go ngwathaganya fase le go laetša kgopolo ya go tlwaelega. Ka nnete le kgona go kwešiša Seo. Pedi le pedi ke nne. Le a bona? Bjale re tseba gore Leo ke therešo.

Bjale, Lentšu le swanetše go tšweletša Monyalwa.

188 Eupša tshepedišo ya kgale e swanetše go boloka mohuta wa yona. E swanetše go tšweletša Esau yo a rekišitšego ditokelo tša gagwe tša tswalo.

189 Še e a tla. Ke a e kwa. Ke a holofela ga le nagane gore ke a gafa. Go lokile, ge ke gafa, ntlogeleng ke nnoši. Ke ikwa gabotse ka tsela ye. Ke yo mokaonekaone ka tsela ye go feta ge nkabe ke le ka ye nngwe. Nka—nka no ba ke gafa, go lefase. Ke—ke—ke tseba mo ke lego. Ke tseba mo ke emego.

190 Lebelelang, E ya go tšweletša lesea la setswalwa se homotše, tshepedišo ya boboledi ye e yago go tliša ka moka dikereke tša maina mmogo, go tšweletša Esau yo a hloyago Jakobo. Amene. Ke a holofela le a e bona, setswalwa se homotše, kereke ya leina ya go hwa, ka moka ga tšona di ya mmogo.

191 Oo, badumedi ba Lentšu, ineeleng ka gare go Molaetša wa ka. Nkweng, e sego Molaetša wa ka, eupša Molaetša wa Gagwe wo ntle le go šišinyega A o boletšego go ba Therešo. O swanetše go kgetha go tšwa felotsoko. O ka se kgone go dula o homotše ka morago ga se. O swanetše go dira kgetho ya gago.

192 Elelwang letšatši le lengwe, tlase ka Westward Ho kua, ka mosong wola, ka difihlolong tšela, ka fao Morena a ntirilego go

le laetša korong yela? Ka fao e tlilego godimo go kgabola Luther, go kgabola Wesley, le manono, le go ya pele, le dihloga tše nnyane go tloga, kereke ye nngwe le ye nngwe e emetšwe ka lehlakoreng la lebele. Ka gona e ile thwi tlase go ya ka go korong yela, ka fao e bego e le, gomme fao go be go le modula wo monnyane wola, o lebega feela tlwa go swana le thoro ya nnete ya korong. Ge o eya ka ntle gomme o lebelela, ge o sa tsebe korong ya gago, o tla bolela gore o na le korong kua, eupša e no ba modula. Ka gona o bula modula wola godimo, ga go korong fao, le gatee. Tsela morago, go na le sehloga se sennyane sa bophelo se tla pele. O tšea galase gomme wa se lebelela. Gomme ge Pentecost pele e etla ntle, e be e le kgauswi kudu, Jesu o boletše ka go Mateo 24:24, “E tla fora le bona Bakgethiwa ge go be go kgonega.” E be e le go dira eng? Go thekga thoro. A yeo ke therešo? [Phuthego e re, “Amene.”—Mor.] Bjale, lenono . . .

¹⁹³ Lebelelang mo. Tsebjana ga e lebege bjalo ka thoro ye e ilego ka gare, le lenono ga le dire, eupša le swana le yona gannyane. Gomme modula o swana le yona kudu wohle, eupša ga se korong. Ke serwadi sa korong.

¹⁹⁴ A ga le bone ka fao melaetša e tlilego le bohloko bja tswalo? Eupša Bophelo bo tlogile ka ntle ga fao, go ya go molaetša wo o latelago. Bophelo bo ile thwi ka ntle ga Luther, go ya ka go molaetša wa Wesley. Thwi go ya ka ntle ga molaetša wa Wesley, go ya ka go molaetša wa pentecostal. Bjale ke nako gape, go tlogela modula. Molato ke eng? Fao go tlhago, ka go seemo se sengwe le se sengwe, go bolela gore ke Therešo.

¹⁹⁵ Bjale le a bona gore ke ka baka la eng le nagana gore ke a gafa. Mohlomongwe ke a dira, bjalo ka ge ke boletše. Eupša fao go Selo se sengwe ka go nna. Ga ke kgone go Se emiša. Ga se kake ka Se bea fao. Ga sa tla ka kgetho ya ka mong. Ke Modimo. Gomme O a Se tiišetša, go netefatša gore Ke Therešo, go Se dira Therešo. E sego bjalo ka ge o ka re ke na le se se itšego kgahlanong le Luther, le Wesley, Mapentecostal, goba Mabaptist, goba mang kapa mang. Ga go selo kgahlanong le mang kapa mang. Ditshepedišo ke tše ke lego kgahlanong le tšona, ka gore Lentšu le le kgahlanong le yona; e sego banna. Lebelelang baprista ba le banna ba baruti ba dutšego mo, lehono. Ba be ba ka se be mo ge nkabe ba theeditše tshepedišo, eupša ba bile le sebetse sa go swana, sa Lentšu la Modimo, go gatela ka ntle le go Le amogela. *Haleluya* e ra gore “tumišang Modimo wa rena.” Le ka se go gobatše. [Yo mongwe o re, “Amene.”—Mor.] Go ra gore, “a go be bjalo.” Ke a Le dumela. Ke a dumela le go tseba gore Ke Therešo. Le tiišitšwe go ba Therešo. Letšatši le lengwe le tla hwetša ntle, mohlomongwe llata kudu. Bjale hlokomelang. Hlokomelang.

¹⁹⁶ Beibele e rile, “Mosadi wa Gagwe o itokišitše ka Boyena,” mafelelong a lebaka. O itokišitše bjang ka Boyena, go ba Mosadi wa Gagwe? Gomme O dirile eng? Ke mohuta mang wa seaparo

A se aperego? Lentšu la Gagwe Mong. O apešitšwe ka Toko ya Gagwe. Ke seo. Ke therešo. Le a bona?

197 Pono! Elang hloko, go no tswalela bjale. Ke nyaka go bolela selo se setee feela pele ke tswalela. Seo ke se se nketelletšego pele go bolela se. Bjale, ke GO RIALO MORENA. Ge monna a bolela seo, ntle le, go se bea ka monaganong wa gagwe mong, o tla ba moikaketši gomme o swanetše go ya heleng ka sona. Yeo ke therešo. Ge a ka leka go hwetša sehlopha sa batho, batho ba bakaone go swana le ba, gomme a ba fora, ka baka la eng, o tla ba diabololo ka nameng ya motho. Modimo a ka se tsoge a mo hlompha. Le nagana gore Modimo o tla hlompha diabololo goba maaka? A ka se tsoge. Le a bona? E ya ka godimo ga dihlogo tša bona, gomme ga ba e hwetše. O gogela Bakgethiwa ntle.

198 Lebelelang ka moka baporofeta go kgabola lebaka, ka fao A hweditšego Bakgethiwa ntle.

199 Lebelelang, go tla tlase go kgabola, le go ya go tsošološo. Go swana le, kereke ya Katoliki ya Roma e tšhumile Joan of Arc koteng, ka go ba moloi. Yeo ke therešo. Moragorago ba hwetša ntle gore o be a se yena. O be a le mokgethwa. Nnete, ba dirile boboelanyi, ba epolla mmele wa baprista gomme ba e lahlela ka nokeng. Eupša, le a tseba, eupša seo ga se e rarolle ka dipukung tša Modimo. Aowa. Ba biditše Mokgethwa Patrick yo motee, le yena, le a bona, gomme o ka ba kudu go swana le ge ke le yo motee. Ka fao, re ela hloko, go lebelela bana ba gagwe. Lebelelang lefelo la gagwe, godimo, lebelelang gore ke ba bakae a ba bolailogo. Lebelelang ka go thuto ya bahwelatumelo gomme le bone gore ke ba bakae ba bolaetšwego fao. Le a bona, ga go bjalo.

200 Eupša tleleime ya batho, yeo ga e e dire bjalo. Ke se Modimo a se boletšego le go se netefatša, gore ke Therešo. “Netefatšang dilo ka moka. Swarang go tiiša go se se lokilego.”

201 Bjale hwetšang, bjale, mo e kaba dikgwedi di se kae tša go feta, mosong wo motee, ke be ke sepela ka ntle ga ntlo, gomme pono ya tla.

202 Gomme ke hlohla mang kapa mang mo, yo a tsebilego ka moka mengwaga ye, go bolela ka nako ye nngwe le ye nngwe yeo Morena a kilego a ntumelela gore “GO RIALO MORENA” eupša se se diregilego. Ke ba bakae ba tsebago gore ke Therešo? Emiša seatla sa gago. [Phuthego e re, “Amene.”—Mor.] Thwi. A yo mongwe a ka kgona go bolela go fapana? [Ngwanešu Branham o a khutša. Phuthego e homotše.] Ke therešo.

203 Le se ke la bea šedi ye e itšego go motseta. Lebelela se Molaetša o lego sona. [Phuthego e re, “Amene.”—Mor.] Seo ke se e lego sona. Le a bona? Ga se seo. Le se ke la ela hloko yo monnyane [Lefelo la go se be le selo godimo ga theipi.] rahlogo ya lefatla, le a tseba, motho, ka baka la gore e no ba—e no ba motho, ka moka,

gomme ka moka re no swana. Eupša hlokomelang se se diregago. Seo ke se se e bolelago. Ke ile ka tšewa . . .

²⁰⁴ Bjale, ke a tseba batho ba bolela ka moka mehuta ya dilo, gomme re a tseba gore bontši bja tšona ga se therešo. Nka se kgone go arabela se ba bangwe, monna yo a itšego a se bolelago. Ke swanetše go arabela se ke se bolelago. Nka kgona feela go bolela ge eba ke Therešo, goba aowa. Gomme ke—ke—ke nna yo motee a swanetšego go ba le boikarabelo ka sona, e sego seo yo mongwe gape a se bolelago. Nka se kgone go ahlola yo motee. Ga ka romelwa go ahlola, eupša go rera Molaetša. Elang hloko.

²⁰⁵ Ke ile ka swanelwa ke go ba le—le go bonapele ga Kereke. Gomme ke ile ka tšewa ke yo Motee Yo ke bego ke sa kgone go mmona, gomme ka bewa godimo, go swana le, boemo. Gomme ka kwa mmimo wo mbosebose kudu ke ilego ka o kwa. Gomme ka lebelela, go etla, gomme sehlopha sa bahumagadi ba bannyane, e kaba, ba lebega ba kaba ba, oo, mengwaga tikologong ya masomepedi, lesomeseswai, masomepedi. Gomme ka moka ba be ba na le moriri wo motelele, gomme ba lokišitšwe ka go diroko tša go fapana, mohuta, diroko. Gomme ba be ba matšha ka go no phethagala ka setepeng, le mmimo woo, ka foa go bego go kgona go ba. Gomme ba ile ba ya go tšwa go ngele ya ka, ba ya go dikologa ka tsela *ye*. Gomme ke ile ka ba bogela. Gomme ke ile ka lebelela nako yeo go bona Yo a bego a bolela le nna, gomme ga se ka kgona go bona yo motee.

²⁰⁶ Ka gona ka kwa sehlopha sa mmimo wa rethetha o dikologe se etla. Gomme ge ke lebelela godimo ga lehlakore la ka la go ja, go tla godimo ka tsela *ye*, go tla morago, mo go tla dikereke tša lefase. Gomme ba bangwe ba . . . Ye nngwe le ye nngwe e rwele folaga ya bona, go tšwa moo ba bego ba etšwa. Tše dingwe tša go lebega ditšhilatšhila kudu nkilego ka di bona ka bophelong bja ka! Gomme ge kereke ya Amerika e etla godimo, e be e le selo sa go befa kudukudu nkilego ka se bona. Tate wa Legodimo ke Moahlodi wa ka. Ba be ba apere dikhethe tše tshihla tša bommalesebo, go swana le yo motee wa basetsana ba ba pareng, se se na le bokamorago godimo ga sona, godimo *mo*; ba swere godimo sa go swana le seripa sa pampiri sa go lebega bosehla; gomme go swana le mmimo wa hula; pente, šothi, moriri wa go kotwa; ba kgoga disekerete; gomme ba menekana, ge ba sepela morethetho-pshikologa.

Gomme ka re, “A yeo ke kereke ya United States?”

Gomme Lentšu la re, “Eye, ke yona.”

²⁰⁷ Gomme ge ba feta kgauswi, ba ile ba swanelwa ke go e swara ka mokgwa *wo*, le go bea pampiri ka morago ga bona ge ba feta kgauswi.

²⁰⁸ Ka—ka thoma go lla. Ka—ka no gopola, “Go ka moka go šoma ka maatla ga ka, le ka moka se ke se dirilego.” Gomme se sengwe le se sengwe se rena badiredi re se šomilego mmogo . . .

Gomme, baena, ga—ga ke tsebe gore le tla dumela ga kaakang ka dipono tše; eupša ke Therešo, go nna. Ka mehla e netefaditše go ba therešo. Ge ke bone seo, le go tseba se se yago pele, pelo ya ka e ile ya nyaka go robega ka gare ga ka. “Ke dirile eng? Ke e fošitše bjang? Ke dutše thwi le Lentšu lela, Morena. Gomme ke kgona go e dira bjang?”

209 Ka gopola, “Ka baka la eng O kgonne go mpha pono, e sego kgale go fetile, le go mpona ka Kua? Gomme ka re, ‘Go lokile, a ba swanetše go ahlolwa?’ A re, ‘Sehlopha sa Paulo, le sona.’ Ka re, ‘Ke rerile Lentšu le le swanago le le a le dirilego.’” Banna ba Kgwebo ba Bokriste ba rwele athekele ya yona. Gomme ka re, “Ka baka la eng? Ka baka la eng e swanetše go ba ka mokgwa wo?”

210 Ke bone sehlopha seo sa diotswa se eya ka mokgwa woo, ka moka di apere ka mokgwa, gomme di bitšwa, “Kereke ya Mohumagatšana U.S.A.” Ke ile ka no idibala.

211 Nako yeo, thwi, ka kwa mmimo wo mobotse wola ka nnete o etla gape, gomme mo go tla Monyalwa yo a swanago yo monnyane yola a etla go feta gape. O rile, “Yo ke yo a tlogo ntle, go le bjalo.” Gomme ge A be a sepela go feta, O swana tlwa le yo Motee yo a bilego lefelong la pele, a sepela go ya ka setepe sa mmimo wa Lentšu la Modimo, a matšhetša pele go feta. Gomme ge ke o bona, ke ile ka ema fale ka diatla tše pedi godimo, ke lla, ka mokgwa woo. Ge ke etla go, ke be ke eme mathuding a ka ntle fale, ke lebeletše thwi ka ntle go kgabaganya tšhemo.

212 Eng? O swanetše go ba Monyalwa wa go swana, mohuta wa go swana, wa go agwa go tšwa mohuteng wa materiale wa go swana A bego ka lefelong la pele. Bjale balang Maleaki 4 gomme le bone ge re se ra swanelwa go ba le Molaetša ka matsatšing a mafelelo, “wo o tla bušetšago dipelo tša bana morago go botate,” morago go Molaetša wa setlogo wa pentecostal, Lentšu ka Lentšu. Banešu, re mo.

213 Bjale, kereke ye e swanetše go hwetša leswao, gomme leswao la yona la mafelelo. Re a hwetša ntle mo, ka gare—ka gare—ka gare ga Lengwalo, le a bona bjale, le a bona, mahloko a magolo a tswalo a a lego ka go lebaka le la Laodikia. E a pora. Kereke ya bona e tswalwa gape. E sego . . .

214 Fa go ka se tsoge gwa ba mokgatlo wo mongwe. Yo mongwe le yo mongwe o a tseba gore nako ye nngwe le ye nngwe molaetša o ile pele. . . Botšišang rahistori yo. Ka morago ga ge molaetša o ile pele, mokgatlo o tla godimo go tšwa go wona; oo, Alexander Campbell, se sengwe le se sengwe gape, Martin Luther, le se sengwe le se sengwe. Ba dirile mokgatlo go tšwa go wona. Gomme ka mehla molaetša o ya feela e kaba mengwaga ye meraro, tsošetšo. Ye e sepetše lebaka la mengwaga ye lesometlhano, gomme fao ga go mokgatlo wo o tšwago go yona. Ka baka la eng? Modula e bile wa mafelelo. Re mafelelong.

215 Le bona mahloko a pelego? Le bona se e lego molato? Feela mašalela a tla tlišwa ntle. Feela mašalela a tla tlišwa ntle. Gomme ke ka tsela yeo ke llogo, le go ngangga, le go kgorometša, le go beela thoko go ratwa ke motho mogongwe le mogongwe lefaseng, go hwetša go ratwa ke Modimo, gomme re no ya pele ka Lentšung la Gagwe.

216 O bohlokong. Bjo ke bjo e lego bothata. O ya go tswala. O swanetše go dira kgetho ya gagwe. Mongwalo wa seatla o godimo ga lebotu. Re a bona lefase le loketše go tloga. Yeo ke therešo. Gomme re bona kereke, e bodile kudu, o loketše go tloga. Gomme mahloko a tswalo ka moka a godimo ga yeo, godimo ga mmogo lefase le kereke.

217 Gomme fao go kgauswi le go ba lefase le leswa le le tswalwago, le Kereke ye mpsha ye e tswalwago, go yela go lona, Miliniamo. Re tseba seo.

218 Lebelelang. Modimo a mo fa...Gomme theetšang se sekgauswi, ka gona ke a tswalela. Leswao la gagwe la mafelelo; Molaetša wa gagwe wa mafelelo, leswao la gagwe la mafelelo. Leswao la gagwe la mafelelo, ke, o swanetše go tsena ka maamong go swana le ka mo a bego a le ka gona mathomong; lefase, kereke.

219 Lebelelang ka mo go bego go le mathomong, ka moka yona mengwaga, ntle, go tloga go Maleaki go fihla go Jesu. E lebelelang, ka moka mengwaga bjale. E lebelelang, ka moka morago ka kua, bomenetša bjo ba bo tlišitšego ka go lona. Lebelelang lefase, ka fao le bilego nako ye nngwe le ye nngwe, go swana le ka matšatšing a Noage, go ya pele. O swanetše go ba ka mohuta wo o swanago le seswantšho, gomme re bona seo. “Bjalo ka ge go bile bjalo ka matšatšing a Noage.” Re bone ka moka dilo tše di no swana godimo.

220 Ka gona, re hwetša le letee leswao la mafelelo. Ka go Luka, ya 17 tema, ya 28 temana, Jesu o rile, “Bjalo ka ge go bile bjalo ka matšatšing a Sodoma, ka fao go tla ba bjalo ka go tleng ga Morwa motho.” Ka fao, bjalo ka ge go bile ka Sodoma, le a bona. Bjale, Jesu o badile Beibele ye e swanago ye, Genesi ye e swanago ye re e balago. Bjale, kgauswi, o se ke wa e foša. Beibele ye e swanago re e balago, Jesu o e badile. Gomme O rile go Kereke ya Gagwe, “Lebelelang morago gomme le bone ge matšatši a Sodoma a bowa gape,” batho ba ba fapošitšwego, banna ba lahlegelwa ke tlhago ya bona.

221 Lebelelang bongboswana, ka fao bo oketšegago go kgabaganya lefase lehono, ka kuranteng kgauswana feela. O swanetše go tla ka ofising ya ka gomme o bale mangwalo go tšwa go bomme, a bašemane ba bona. Gomme bongboswana bo a oketšega, ke a nagana, ke masomepedi goba masometharo a peresente ka—ka California, e nnoši, godimo ga ngwaga wa go feta. Sehlopha se segolo sa...le sa batho ba mmušo, se

netefaditšwe go ba ba bongboswana. Lena banna ba mmušo le tseba seo. Kgatišobaka ya lena, ke e badile, le ka moka dilo tša go fapana tše di diregilego. Ge le . . .

222 [Kgaetšedi o bolela ka leleme le lengwe, gomme ka gona o fa tlhathollo. Kgaetšedi yo a swanago gape o bolela ka leleme le lengwe, gomme gape o a hlathollo. Lefelo la go se be le selo godimo ga theipi—Mor.]

223 Ke na le kwešišo ya maleba ya Lengwalo. Seo ke tlwa se Modimo a rilego se tla direga. “A yoo a bolelago ka leleme gape a rapela gore a hlatholle.”

224 Yeo ke therešo. Ke le boditše Therešo, ka gona Modimo o mo, o a E tiišetša. Ke Therešo. Yeo ke therešo.

225 Bjale lebelelang. E bile Molaetša ofe wa mafelelo wo Jesu a o boletšego? “Bjalo ka ge go bile bjalo ka matšatšing a Sodoma,” bjale hlokomelang, feela pele lefase la Bantle le tšhungwa, mollo. Bjale lekang go kwešiša. Go diregile eng? Fao go be go le sehlopha sa batho, maloko a kereke a bololo, go swana le Loto le sehlopha sa gagwe tlase ka Sodoma. Fao go be go le monna yo mongwe yo a bego a šetše a tšwetše ka ntle ga yona. O be a se ka go yona, sa mathomo. Yoo e be e le Abraham, yo motee yo a bego a na le tshepišo ya morwa yo a tlogo. Le a kwešiša? E reng, “Amene.” [Phuthego e re, “Amene.”—Mor.] Ka moka gabotse.

226 Gomme, bjale, feela pele ga ge sehlowa sa tshenyoo se etla, Modimo o tšweletše go Abraham ka dibopego tše ntši, eupša nakong ye O tšweletše bjalo ka Monna. O be a le Monna. Gomme a tla godimo ga Modimo.

Bjale, le re, “E be e se Monna.”

227 E be—e be—e be—e be e le Modimo ka go Monna. Abraham o Mmeditše, “Elohim.” E be e le Monna.

228 Gomme, lebelelang, O ile a dula fase, ka magetla a Gagwe a šotologetše tente, gomme A re, “Sarah o kae, mosadi wa gago?”

A re, “O ka tenteng, ka morago ga Gago.”

229 A re, “Ke ya go go etela go ya ka nako ya bophelo, ye Ke go diretšego tshepišo.” Gomme Sarah a sega. Gomme A re, “Ka baka la eng Sarah a segile?” Le a bona?

230 Bjale, seo ke se se bego se direga ka letšatšing leo. Go no laetša leswao la mafelelo le Abraham a le bonego, sehlopha se se Kgethilwego o se gogetše ntle, go tloga Sodoma. Bjale, le se ke la foša seswantšho se, eng kapa eng le se dirago. Sehlopha se se gogetšwego ntle, seo se bego se se ka Sodoma, sa mathomo.

231 Eupša ba babedi ba Barongwa ba ile tlase ka Sodoma. Gomme ge Ba fihla tlase kua, re hwetša Loto. Gomme O mo hweditše ka lemong la go kgeloga, ka moka ba bongboswana le diphapogo. Le tseba setori.

Eupša fao go bile yo Motee yo a go šala le Abraham, e be e le Elohim.

²³² Ba rerile Lentšu tlase kua. Go rera Lentšu go ba rathile go ba difofu, gomme ga se ba kgona go hwetša mojako. Seo ke se e lego sona lehono.

²³³ Eupša yo Motee yo a bego a na le sehlopha se se gogetšwe ntle, o dirile mohlolo pele ga Abraham, go laetša gore O be a le Mang, gomme o be a na le Abraham.

²³⁴ O rile, “Ka baka la eng Sarah a segile?” mabapi le lesea le. Gomme Sarah a tla pele gomme a boela gore ga se a dira. Gomme a re, “Eupša o dirile.” Gomme A kabe a mmolaile thwi fao ge nkabe a be a se karolo ya Abraham.

²³⁵ Ka fao Modimo a kabe a re bolaile ge nkabe re se karolo ya Kriste. Kgaugelo ya Kriste ka moka e re swara mmogo, rena bakamaki le diphapošo ka Lentšung.

²³⁶ Eupša, elang hloko, elang hloko se se diregilego. Jesu o bowa go dikologa bjale, gomme o re, “Bjalo ka ge go bile bjalo ka matšatšing a Loto, ka fao go tla ba ka nakong ya mafelelo ge Morwa motho a thoma go ikutolla ka Boyena.” [Lefelo la go se be le selo godimo ga theipi—Mor.] Le a bona? “Morwa motho” ka mehla, ka Beiebeleng, ke *moporofeta*. Le a bona? O tlile ka maina a mararo a morwa: Morwa motho, Morwa Modimo, Morwa wa Dafida. Le a bona? Gomme O biditše Leina la Gagwe, “Morwa motho,” ka gore wo ke mošomo wo A o dirilego, wa moporofeta, mmoni. O rile, “Ka matšatšing a go swana le ge go bile ka go Noage, ge Morwa motho a thoma go ikutolla ka Boyena, yeo e tla ba nako ya mafelelo.”

²³⁷ Bjale a re nong go nagana, motsotso feela. Lefase ga se lake la ba le motseta godimo ga lefase. Re bile le bo Finney, bo Sankey, bo Moody, bo Finney, Knox, Calvin, le go ya pele, ka moka go dikologa lefase, batseta ba kereke ka go mahloko a a tswalo. Eupša ga se rake ra ba le monna a tšwela ntle ka molaetša wa ditšhabatšhaba, go fihla letšatši le, ka leina la gagwe le felela ka h-a-m. A-b-r-a-h-a-m, e lego ditlhaka tše tshela. . . A-b-r-a-h-a-m ke ditlhaka tše šupa.

²³⁸ Re na le yo motee lehono a bitšwago G-r-a-h-a-m, ditlhaka tše tshela, gomme tshela ke nomoro ya lefase, letšatši la tlholo. Ke neng mo lefase le kilego la ba le monna tlase go ya ka go lona bjale, a rera tlase ka go *kosmos*, tlase kua ka lefaseng, tlase kua a biletša batho ntle, “Sokologang, sokologang! Senyegang, goba le tšwele ka ntle ga lona,” go fihla lebakeng le? G-r-a-h-a-m, lebelelang se a se dirago, o rera Lentšu, o fofatša ba ka ntle, o a bitša, “Tšwelang ntle,” motseta go tšwa go Modimo. Jesu o rile seo se tla direga feela ge Morwa motho a tla ikutolla ka Boyena. Bjale, seo, se mo kae? Ntle kua ka ditshepedišong tša dikereke, lefase. Gomme ba thoma go hloya monna, bakeng sa yona.

239 Eupša, elelwang, fao go be go le sehlopha, gape, seo se bego e le sehlopha sa semoya, sehlopha sa Jakobo, e sego—e sego sehlopha sa Esau. Fao go be go le sehlopha sa Jakobo se be se letetše morwa, seo se bego se se ka go Babele yeo, gomme ba amogetše Motseta. Le a kwešiša? [Phuthego e re, “Amen.”—Mor.] Abraham, A-b-r-a-h-a-m, ba amogetše Motseta. Gomme Motseta yoo, seo e bego e le se segolo, sa maemo a godimo selo se A se dirilego, go laetša gore e be e le nako ya mafelelo? O ile a hlatha megopolo ye e bego e le ka monaganong wa Sarah.

240 Gomme Jesu, Morwa wa Modimo, yo a bego a dirilwe nama, go laetša gore Moya wa Modimo o tla tla morago ka go Sehlopha sela se kgethilwego se sennyane sa nako ya mafelelo, gomme o tla ikutolla ka Boyena ka mokgwa wo o swanago. Mahloko a tswalo! Oo, ngwanešu, ka kgopelo leka go kwešiše. Leka ka maatla. Bulang dipelo tša lena motsotso feela. Lebelelang go Kriste. Modimo yo a swanago o thwi mo bjale. Yo Motee yo a swanago. O tshepišitše dilo tše. Gomme ge A di tshepišitše, ka nnete O kgona go di dira.

241 A re inamišeng dihlogo tša rena lebakana feela. Ke le nyaka le no nagana, ka tlhokomelo.

242 Tate, e ka diatlang tša Gago bjale. Ke dirile ka moka tše ke di kgonago. Ke a rapela gore O tla thuša batho go—go kwešiša. Peu e bjetšwe. Tšhela meetse, Moya, godimo ga Yona, Morena, gomme E nošetše letago la Gago. Ge ke dirile phošo, Morena, ke be ke sa re go e dira. Ke a rapela, Modimo, gore—gore O tla Le hlatholla gabotse, go dipelo tša bona, gore ba bone gomme ba kwešiše. E fe, Morena. Leineng la Jesu, ke a rapela. Amen.

243 Morena a le šegofatše. Ke a le rata. Modimo yo a rerilego Lentšu, Modimo yo a rwalago boikarabelo ka Lentšu le. . . Ke nno rwala boikarabelo go Le bolela. Ke Yena yo Motee yo a swanetšego go Le phediša. Modimo yo a swanago o mo.

244 Bjale, ke ba bakae ntle fao ba nago le nyakego? Emiša seatla sa gago. A o tshepišitše go dira dilo tše mo matšatšing a a mafelelo? Bjale le lebelela go nna. Bjale go swana le Petro le Johane ge ba rile, “Re lebelele.” Bjalo ka ge o ka re. . . Le a bona? O mmoditše. Bjale le lebelelang ka tsela ye. Bjale, ka kgopelo le se ke la sepela go dikologa. Ye ke kudu. . . Nna ke—nna ke a leka, pelo yohle ya ka bokagare bja ka. E nong go ba le tlhompokgolo ka nnete. Le a bona? Yo mongwe le yo mongwe yo motee wa lena, moya, ge o sepela. Ka nnete, wena o yuniti. Gomme ke leka go swara tumelo ya batho.

245 Mosadi yo monnyane o fetile kgauswi gomme a kgwatha seaparo sa Gagwe, a ya ntle gomme a dula fase. Jesu o ile a mmošša gore mathatha a gagwe ke eng, gomme o ile a fodišwa.

246 Gomme bjale O tshepišitše go dira seo gape, Morwa motho o tla ikutolla ka Boyena go swana le ge A dirile ka Sodoma.

Lefase le ka seemong seo. Kereke e ka seemong seo. Bjale a Modimo o bolokile Lentšu la Gagwe? Bonang ge eba O dirile, goba aowa. Oo, re bile le maswao, go taboga, go bolela ka maleme, seporofeto, le go ya pele. Eupša, emang, fao go na le leswao le le lengwe. Oo, re na le dikekišo tše ntši tša nama. Seo se no dira ye tee ya nnete e a phadima. Tolara ye nngwe le ye nngwe ya bofora e dira ye tee ya nnete gore e phadime.

247 Bjale lena rapelelang. Lena dumelang. Feela, Ke—ke a le hlohla gore le dire seo. Lena lebelelang, gomme le dumela se ke le boditšego sona. Ke ba bakae ba ba dumelago se go ba Therešo? [Phuthego e re, “Amene.”—Mor.] Ga ke tshwenyege gore o mang, moo o lego. Ke tla no . . .

248 Yo mongwe le yo mongwe yo motee ka mo, bokgole bjo ke bo tsebago, ke mosetsebje wa go felela, ntle le Bill Dauch le mosadi wa gagwe ba ba dutšego thwi fao, ka mo ke tsebago. Ke nagana gore ke tseba moreri yo monnyane yo mo go tšwa Germany, a dutšego fale. Gomme, ngwanešu, le ba babedi goba ba bararo batho ba ba dutšego thwi fao.

249 Yo mongwe morago godimo ka go batheeletši, lebelela, tsela morago. Ke a go hlohla gore o dumele se ke go boditšego ke Therešo.

250 Go reng ge Morongwa yola wa Morena a tlile fase nokeng ka kua, mengwaga ye masometharotharo ya go feta, gomme a dira tshwao yela? Ke tsebile bjang?

251 Gomme modiša wa ka wa Baptist o ile a nthakela ka ntle ga kereke, o rile, “O—o bile le sekatapowana, Billy.”

252 Ke ile ka re, “Sekatapowana, ga se selo, Ngak. Davis. Yeo ke tsela ye o, mokgwa wo o o tšeago, gape o ka no tšea karata ya ka ya kopanelo.”

253 Ke a tseba fao go swanetše go ba yo mongwe, felotsoko, a tla Le dumelago. Modimo o be a ka se romele Molaetša ntle le ge fao go le ba bangwe ba tla O amogelago.

254 Oo, nnete, ge ke ile pele go rapelela balwetši, e be e le mo go kaone. Eupša ge ke thoma go le botša Therešo ya Lentšu, ka gona ke phapano. Le swanetše go tseba. Molaetša wo mongwe le wo mongwe o bile ka tsela yeo.

255 Jesu o be a makatša ge A be a eya ka kerekeng le go fodiša batho, le se sengwe le se sengwe. Eupša ge A dutše fase letšatši le letee, gomme a re, “Nna le Tate wa Ka re batee,” oo, seo, seo se e dirile. “Ge le sa je nama ya Morwa motho, le go nwa Madi a Gagwe, ga le na le Bophelo ka go lena.” Ga se ake a E hlatholla. O be a nyaka go bona gore ke mang yo a bego a tla ema kgauswi le Yena. Thwi.

256 Le nagana eng, se—sehlopha le dingaka le dilo, ba re, “Monna yola ke . . . Ka baka la eng, Ke senwamadi. Go ja nama ya Gagwe

le go nwa Madi a Gagwe?” Ga se ake a E hlatholla. Ga se ake a E hlatholla.

257 Eupša, go le bjalo, Lentšu leo le be le swere go, go baapostola bao. Ba be ba sa tshwenyega. Ba be ba sa Le kwešiše. Ba Le dumetše, le ge go le bjalo. Le a bona? Ba be ba tseba, ka gore ba bone mešomo ya Modimo, gomme ba tsebile gore e be e le. O rile, “Ke yona ye e pakago ka Nna.”

258 Šo monna, mosadi o dutše thwi mo, o na le letsogo la gagwe godimo. Bjale, mpitšeng lehlanya, ge le rata; eupša Pilara yela ya Mollo ye e swanago, yeo e eteletšego pele bana ba Israele go kgabola lešoka, e thwi bokagodimo ga mosadi yola.

259 Bjale, elelwang, Jesu o rile, “Lebakanyana le lennyane gomme lefase le ka se Mpone gape, feela lena le tla Mpona. Ke tšwa go Modimo. Ke ya go Modimo,” ka morago ga lehu la Gagwe, poloko. O boditše Bajuda. O rile, “Ke . . .”

260 O be a le Letlapa lela le bego le le ka lešokeng. O be a le Pilara yela ya Mollo, “KE NNA YO A LEGO NNA.” Ke mang “KE NNA”? Pilara yela ya Mollo ka sethokgweng se se tukago. A yeo ke therešo? [Phuthego e re, “Amene.”—Mor.] Gomme O dirilwe nama gomme a dula magareng ga rena. O rile, “Ke tšwa go Modimo, gomme ke boela go Modimo, gore ke bowe ka sebopego sa Moya wo Mokgethwa.”

261 Gomme šo Yena, o na le rena lehono, diswantšho tša saentshe di tšerwe tša Wona. Šo Yena, go netefatša go feta seswantšho se se itšego sa saentshe, eng kapa eng. Yena o mo, go se netefatša, ka gore Ke Yena. “Nna Morwa motho ke tla utollwa ka letšatšing le.” Bjale, šole ke Yena. Ke lebeletše thwi go Wona.

262 Le re, “A o a O bona?” Johane o O bone, le yena, eupša ba bangwe ba bona ga se ba dira.

263 Lebelelang, go e netefatša bjale. Mosadi yola ke mosetsebje go nna. Ga se kake ka bona yena—yena, ka bophelong bja ka. Eupša go na le selo se sengwe sa go fošagala ka le letee la matsogo a gagwe leo a rapelago ka lona. Ke . . . Yeo ke therešo, mohumagadi. O bile le opareišene godimo ga lona. Yoo ke monna wa gago yo a dutšego kgauswi le wena. Ga o tšwe mo. O tšwa California. Leina la gago ke Roland. Bothata bja teng ya gago bo fedile, le wena, mohlomphegi. O bile le bothata bja teng. A o bile nabjo? Go lokile, ka moka bo sepetše. Leoto la gago le fodišitšwe.

“Ka letšatši leo Morwa motho . . .”

264 Mo, go dutše thwi morago go kgabola *mo*, fao go monna. Ke monna wa mokhalate, se sengwe se fošagetše ka mahlo a gagwe. O . . . Eye. O, mošomo wa gagwe wo a o dirago, o dira selo se sengwe ka koloi, o pholetšha dikoloi, mopholetšhi wa koloi. Thwi. Mahlo a gago a ya go ba a mabe. O sa tšwa go dumela, a ga se wa dira? Selo se sengwe sa go se tlwaelege se diregile go wena. Leina la gago la pele ke Fred. Yeo ke therešo. Leina la gago

la mafelelo ke Conn. Yeo ke therešo. O a dumela bjale? Mahlo a gago ga a sa ya go go tshwenya gape gona. Ga se kake ka bona monna ka bophelong bja ka.

265 Monna thwi morago ka morago kua, ga a tšwe mo, le yena. Go tšwa California. O na le mokokotlo wo mobe, Mna Owens. Yoo ke wena. Morena Jesu o go dira gore o loke. Ga se kake ka bona monna, ka bophelong bja ka, ga ke tsebe selo ka yena. Ke no latela Seetša sela ge Se e ya.

266 “Ge le ka kgona go dumela, ka moka dilo di a kgonega go bona ba ba dumelago.”

267 Moisa yo monnyane yo a dutšego mo, o na le go tsupuga ga leihlo, o rwele digalase le sutu ye tshehla. Fred, Modimo o a go fodiša ge o e dumela. A o ka e amogela? Ka moka gabotse. Ga se kake ka mmona, ka bophelong bja ka.

268 Mdi. Holden, o dutše godimo kua go tloga go yena, o tlaišega ka bothata bja mahlo. Ga ke tsebe mosadi, ga se kake ka mmona ka bophelong bja ka, eupša yeo ke therešo. Le a bona? “Ge o ka kgona go dumela.”

269 O llela eng, sesi? O na le go robega ga megalatšhika, megolo, bothata bja pelo. O a dumela gore Modimo o tla go dira o loke? Yo a dutšego ka mafelelong a setulo moo. Ge o dumela, ka pelo ya gago ka moka, Jesu Kriste o tla go dira gore o loke. Ka moka letšhogo leo le tla tloga go wena, o kwa gore o morago ka go leemo la gago la maleba. Diabolo o go botša maaka. O a e amogela? Bjale emišetša seatla sa gago godimo, e re, “Ke tla e amogela, gona.” Okei. Ka moka e fedile.

270 Eng? Kereke ye e ya go kgabola bohloko bja tswalo. A le ka se dire kgetho ya lena bjale ka Bogoneg bja Gagwe? Ke le laeditše Lentšu tlwa, se A boletšego gore O tla se dira.

271 Go puruputša go kgabola moago wo, botšiša mang kapa mang yo a kilego a rathwa, goba a boledišwa, goba eng kapa eng e bego e le yona, gomme o bone ge eba ke ile ka ba bona, go ba tseba, goba eng kapa eng ka bona. Le nagana gore monna a ka kgona go dira seo? Se ke go se kgonege ka go felela go seo go direga.

272 Go lokile, Ke eng? Morwa motho. “Lentšu la Modimo ke le bogalegale go feta tšhoša ya magale mabedi, le hlatha moya, diphiri tša dipelo.” Feela tlwa go swana le ka fao Le bego le le ka gona ge Le be le dirilwe nama mo lefaseng, ka go Morwa wa Modimo, bjale Le utollwa ke Morwa wa Modimo ge A etla go biletša Monyalwa ka ntle ga tshepedišo yela. “Tšwelang ka ntle ga yona. Ikaroganyeng, go rialo Modimo. Le se ke la swara dilo tša bona tša ditšhila, gomme Modimo o tla le amogela.”

273 A o loketše go neela bophelo bjohle bja gago go Modimo? Ge o loketše, emela godimo ka maoto a gago, e re, “Ke tla dira, ka

mogau wa Modimo, ke a Bo amogela thwi bjale, bakeng sa se sengwe le se sengwe se lego ka go nna.”

²⁷⁴ Haleluya! Tumišo a e be go Modimo! A le a Mo dumela? [Phuthego e re, “Amene.”—Mor.] Gona emišang diatla tša lena gomme le rapele le nna.

²⁷⁵ Ipoleleng phošo tša lena. Mahloko a tswalo! Ke mo go thata go hwa, eupša ehwa thwi bjale. Ehwa, tšwela ka ntle ga go se dumele ga gago mong. Tšwela ka ntle ga gona. Le ke Lentšu la Modimo le dirwa go bonagala, go no swana le ka mo Le bego le le ge Jesu a etla lefaseng. Ke Jesu Kriste gape magareng ga lena, o netefaditšwe.

²⁷⁶ Abraham o amogetše morwa ka pela, morwa wa tshepišo, ka morago ga ge seo se diregile.

²⁷⁷ Gomme Jesu o tla gape. Woo ke Moya wa Gagwe. O kgauswi kudu go lefase, kgauswi kudu le go tla, go fihla A loketše go go amogela, ge o loketše go Mo amogela.

Bjale emišetšang diatla tša lena godimo gomme le rapele le nna.

²⁷⁸ Morena Modimo, a nke ka moka baprista ba swarelele godimo ga dialetara. A nke batho ba llele ntle. A nke Pilara ya Mollo le Pilara ya Leru e sepelele ka bathong lehono gomme e dire gore ba hlapogelwe, Morena, go temogo ya Bogona bja Modimo wa go phela le yo maatla. E fe, Morena. Ba amogele. Ke rapela thapelo ye bakeng sa yo mongwe le yo mongwe yo motee wa bona, Leineng la Jesu Kriste.

²⁷⁹ Tlatša yo mongwe le yo mongwe yo motee wa bona ka Moya wo Mokgethwa, yo a se nago Moya wo Mokgethwa. Morena, a nke tsošetšo ya khampheine ye, kopano ye, e phatlogele thwi ka go ye kgolo, ya maatla tšhologelo ntle ya Moya wo Mokgethwa. A nke balwetši ba fodišwe, difofu di bone, dihlotša di sepele. A nke ponagalo ya Modimo yo a phelago e tlišwe ka bogoneng bja botho, bjalo ka ge go bile bjalo ka morago ga sekgalela se, gomme a nke batho ba bo amogele. Leineng la Jesu Kriste, ke a e kgopela.

²⁸⁰ Emišang diatla tša lena bjale gomme le Mo fe tumišo, gomme amogelang se le se kgopetšego.



MAHLOKO A TSWALO NST65-0124
(Birth Pains)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena ka morago ga sekgalela, Janaware 24, 1965, e le wa khonferentshe ya Full Gospel Business Men's Fellowship International ka Ramada Inn ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org